



安徽通志

ル 5
1575
21



1575
21



重修安徽通志卷六十六

河渠志

水利

廬州府

合肥縣三十六圩宋隆興中薛季宣淮西視師表廢田相原隰

復此圩合肥之坪邊有警因以斷柵江保巢湖宋史薛季宣傳

按合肥今有七十七圩東鄉之大者上大圩姚埠圩各田千

餘石南鄉最大者東灣圩田至三千六百石次下大圩牛角

大圩同大圩施家灣圩各田千餘石

百子河在城東五十五里灌田千畝

烏相壩在城東六十里灌田千畝

長甯河在城東六十里灌田數千畝

重修安徽通志

卷六十六

河渠志

水利

一

廬州府

孔源五大塘在城東六十里灌田三百畝

富家壩在城東六十里灌田三百畝

長壩蕩在城東六十里灌田三百畝

盛甯冲在城東六十五里灌田四百畝

陸家阪在城東六十五里潛溪河灌田四百畝

牛背塘在城東六十五里灌田五百畝

六車阪在撮城西四里灌田七百畝

草塘阪在撮城東二里灌田四百畝

宣家壩在撮城南三里灌田千餘畝

老壩障撮城河在撮城南十里灌田數萬畝

潮城塘在城南三十里灌田三百畝

莢家河在城南三十五里通豐樂河灌田甚多

胡家大塘在城南三十五里通豐樂河灌田三百餘畝

永安塘在城南六十三里灌田三百餘畝

護城河在西平門左一名樓河以稻香樓得名

石河在西平門右灌田千五百餘畝

黑池壩在石河北灌田千五百餘畝

小官塘在城西七十五里花子岡西灌田千二百畝

金城河即鐵索澗在城西九十里雙峯頂東北灌田三百畝

陸家阪在城東北三十里灌田千餘畝

浪陂塘在城東北七十里石塘橋北灌田千餘畝

徐家官塘在城北九十里小馮集西灌田五百畝

陷湖陂在城東北七十里梁縣鄉東南灌田二千畝

竹絲壩在城東北九十里小峴口灌田千畝

袁楊壩在城東北百一十里小龍山南灌田千餘畝
馮家壩在城東北一百三十里古城集灌田千餘畝以上合肥
廬江縣西官塘溉田百餘頃縣境之塘凡六十有二俱為灌溉
之利

白湖周圍七十餘里跨六鄉與巢湖連

黃陂湖在縣東南十五里徑八里

沙湖在縣東南十里徑七里許與黃陂湖相連

後湖在縣東二十里黃陂湖之北由塘缺河通白湖以上廬江

按府志載廬江圩一百六十有三堰三十有一壩十有三
舒城縣七門堰在縣西南七門山下三堰之源在焉三堰者一
烏羊堰在縣南一十五里一千功堰在縣南二十里一漕贖堰
在縣南舒門外與七門堰共灌田二萬餘頃俱漢羹頡侯所築

後漢末劉馥經理之為灌溉之利今古蹟並存

舊按烏羊堰近被沙漲盡成陸地後於堰東開包家溝以灌

諸田同治縣志云三堰廢壞已久所灌田畝均成旱地

洋萍陂在楊林鋪

古羅漢堰在縣南七里

周文質堰在界河

陳山塘在春秋山

春秋塘在石山觜

破山塘在王家墩

南塘在小馬廠

大冲塘在長岡

小冲塘在築城墩

官陂塘在鷺鷥廟

六冲塘在雙女墩

翟公陂在縣東三十五里

十丈陂在板山以上舒城

按舒城縣志載圩共六十五

無為州新壩在州南舊時江流東注至鮎魚口地勢最下明代至

國朝順治中州守屢築隄曰一壩二壩三壩四壩而屢圯計州境民田漸次陸沈於江者四十餘里康熙八年知州顏堯揆築新壩八百八十丈後大水破諸壩而境內圩田以新壩得免今名顏公壩
神塘隄在州南四十里明萬曆九年築民田皆成膏腴

清水堰在州東津門外灌田百頃

黃金城牖在州北十五里環流大小圩八十所舊以木為之明

正統元年始登以石旱澇無患今名李家牖

鶴毛河在州南九十里源出九鄉山及白錫嶺溉山圩田千餘頃

西河在州西南七十五里承黃白二湖之水溉田尤多

永安河在州西四十里源自白石山至襄安鎮溉田四十餘頃

泥汊河在州東南四十里下通大江溉田二千餘頃

直阜河在州東南十里四時常流兩岸圩田賴此灌溉

裏河沿河山圩田畝各千餘頃皆資灌溉

馬腸河一名青魚港灌田百餘頃

黃洛河在州東北三十五里西接巢湖南接州河東注運漕歸

直隸州志卷之六十一
四
裕溪入江灌田數千頃

奧龍河在州東百二十里灌田千餘畝

裕溪河在州東百二十里東鄉下游田畝賴以灌溉

石灰河在州南百里灌田五千餘頃

新河卽下河乾隆十年總督尹繼善開

引河在永城圩北乾隆五十八年巡撫朱珪開

月河在荻港圩北乾隆五十三年巡撫書麟開

上河在大成圩中乾隆五十九年總督書麟開以上無為州

按府志載無為州圩一百一十有四塘陂三壩十有八

巢縣官圩三勝圩張仙圩魏京圩土橋圩東百勝圩在東鄉

沈家圩蔡家圩郭家圩亞父圩在東北鄉

劉周圩朱家圩永新圩在南鄉

賈塘圩武家圩曹成圩三鄉圩王樸圩太平圩許家圩李家圩

孫家圩楊家圩柳莊圩甯家圩盤家圩百勝圩在西鄉

河西圩城子圩小官圩蔣家圩解家圩在西北鄉

周家圩厚家圩在北鄉以上巢縣

按府志載巢縣圩共八十有五塘十有九堰五壩六

又按廬屬惟合肥地高憂旱不憂澇他邑小澇則合肥大熟

四境西北高憂旱為甚陂塘築濬其可忽諸廬江雖有山東

濱湖而地平夷田居七八舒城西南多山尤多美田山泉之

利號稱膏腴無為瀕江土地平曠與江水相低昂又為巢湖

之所出故多圩田為利萬頃而江流迅漲亦蹈其害顏公諸

壩為保障巢邑西濱湖東通大江亦多圩田其南多山有堰

有壩然當隴阪之間時有旱憂田視諸邑為瘠宜以陂塘為

急務焉

鳳陽府

鳳陽縣林家壩在曹山西龍子河水所經

西泉出西泉山北平地泉出北流居民引以灌田

花園湖在廢臨淮城東北周迴百餘里四面港汊甚多饒魚鰕之利

蘆塘在黃泥山東埠長三百六十餘丈溉田三千餘畝

抱山塘在白石山其埠如半月向南故名溉田三百五十餘畝

官塘在白石山西溉田五百餘畝

黃水塘在徐家橋西南埠長五里灌田千餘畝

曹家塘在何塘西北溉田二百餘畝

九里塘在黃水塘東北埠長三里溉田千餘畝

灣塘在明廢陵東南溉田二千畝

楊村塘即榆塘在大通橋周圍六里溉田三百餘畝

鹿塘在總鋪山西埠長十餘里水小從東北二涵洞宣洩大則

從東南大石橋門漫溢而下溉田萬餘畝順治六年塘壞乾隆

四年請帑修築

按鳳陽諸塘雨集易盈旱則易涸惟此塘周圍三十餘里深

一二丈風日晴和波紋如縠輕鷗出沒漁艇縱橫夕陽遠山

極目無際

蓮花塘在鄉村周迴六里溉田三百餘畝

九累塘在十字路南周迴十二里溉田五百餘畝

劉佛塘在黃泥鋪西周迴六里溉田六百餘畝

東黃泥塘西黃泥塘在黃泥鋪溉田八百餘畝

盤龍壩在東鄉城西保澆田八百餘畝

荆條壩在燃燈寺東北澆田四百餘畝

石門塘在俞家鎮澆田四百餘畝

蒲塘在東秦村周迴三里受蒼柏頂繆家沖兩水澆田二百餘畝

官塘在東秦村澆田七百餘畝

秦塘在東秦村澆田五百餘畝

石山塘在東秦村周迴五里灌田四百餘畝

成功塘在聞賢鋪澆田五百餘畝

汗塘在聞賢鋪澆田四百餘畝

歲豐塘在聞賢鋪澆田千餘畝

曹塘一名草塘在衡圍寺雪臺山西北澆田二千餘畝

長安塘在衡圍寺雪臺山北澆田二千餘畝

牛角塘在長安塘東北澆田一千五百餘畝

柘塘在周梁橋周迴五里澆田五百餘畝

下張塘在上張塘下澆田八百餘畝以上鳳陽縣

懷遠縣木欒泉在縣南自洛河山北麓流入灌浸塘分注郭陂

塘民獲灌溉之利

郭陂塘在縣南二十里卽晉時鎮城舊址改爲塘周四十里受

南山天池珍珠泉果老泉莞泉上下兩盤塘諸水舊設斗門十

二以備蓄洩有塘總塘長司其啟閉道光五年知縣周天爵倡

修七年工竣附近荒田四千餘頃悉成腴壤

龍王壩在兩盤塘之間壩南有牯溝水盛則啟以洩盤塘之水

歸濠小則閉之使歸郭陂道光五年知縣周天爵倡修

泉源塘在考城南馬山下明末豪家據之知縣高達勒石塘上水利遂均

四顧潭在上窰山中有石門瀑布有峭壁自潭心出高丈餘東蕭家湖西蕭家湖洪塘石塘灌浸塘在郭陂南皆分受諸山之水以入郭陂

孔冊湖在縣南二十五里郭陂西湖水入淮內有地數百頃先年多被淮水灌溢康熙五十六年知縣劉鑑督民築隄建斗門遂成沃壤今斗門傾廢漫水如故

龍頭壩在縣南七十里大橫山之陽洛水之東以障鳳定山水之歸洛者

柳陂塘在龍頭壩北
女環塘在蔡城塘北

按女環塘舊有斗門五座久廢惟王家樓五百餘戶近蔡城塘北斗門得其水利蔡城塘為洛西瀦水之大者屬壽州者十之九屬懷遠者十之一故歸壽州

倪家湖馬廠湖方家湖皆匯龍王溝樞澗柴澗之水

湄湖俗名湯魚湖洱黑二河匯為大澤以入淮周三十餘里

按水經注淮水左池為湄湖洱黑二河盈涸與淮互為吞吐

故云池為湄湖

邵家大湖在縣西九十里懷遠諸湖惟此最下宜稻

石羊壩在荆山西南麓當大澗之上源以障淮水今廢

清溝源出宿州龍山湖北匯十湖之水肥北諸溝此為大十湖今漸淤其最下者宜稻以上懷遠

定遠縣漢泉在縣西五十里又有楚泉合流入洛達於淮

楊亭湖在縣西九十里

大橋湖在縣東南三十里

石塘湖在縣西北五里

桑家澗在縣東三十里

苦竹澗在縣東八十里

馬長澗在縣西二十五里

白澗在縣西三十五里

烏沙澗在縣西七十里

沙澗在縣北三十里

銅城澗查塘澗俱在縣西八十里

漢泉堰儲漢泉水在縣西五十里

楚泉堰儲楚泉水在縣西六十里

白塘新塘在縣東四十里

官塘在縣南二十里

赤塘在縣南四十里

劉塘在縣西七里

長鳳塘在縣西六十里

西陳塘北陳塘陳子塘大方塘在縣西七十里

白塔塘在縣西九十里以上定遠

壽州芍陂在安豐城一曰安豐塘以水逕芍亭積而為湖故謂之芍陂又謂之期思陂與楊泉陂大萊陂並楚相孫叔敖所作其水西自六安龍穴山東自濠州橫石東南自龍池山胥注於陂原設五門後更開三十六門後又作減水牐四座水漲則開門以疏之水消則閉門以蓄之三百餘里支流分注灌田萬餘

頃

大滌陂在下蔡城西北百二十里

舊永樂渠在安豐縣東北十里唐廣德三年宰相元載置大厯十三年廢

黃陂在下蔡西北六十里

雞陂在下蔡西北八十里

渭陂在下蔡東北八十里皆隋末廢唐復置溉田數百頃

蔡城塘在蔡城鄉去州八十里溉田二百餘頃亦壽州水利之大者

按是塘為懷壽連界處懷遠縣志云斗門十二壽州志云斗門十三

逃夫陂在城東三十里設水門一座

面羅陂在東鄉去城六十里長五百四十丈闊百九十丈水門

二

閻陽陂塘在東鄉去城六十里長五百四十丈闊百九十丈水

門一

船陂塘在東鄉去城七十里長五百四十丈闊九十丈水門二

三觀陂塘在東鄉去州八十里長三百六十丈闊百八十丈水

門二

葛陂塘在東鄉去州十五里長三百六十丈闊百八十丈水門

四

城子陂塘在東鄉去州九十里長七百四十丈闊五百九十丈

水門二

紫蛇陂塘在沿河鄉去州七十里長百八十丈闊三百丈水門

二 湛陂塘在沿河鄉去州八十里長二百八十丈闊百四十丈水

門一

阮羅陂塘在沿河鄉去州九十里長五百四十丈闊七百二十

丈水門一

葛塘在沿河鄉去州百里長二百六十丈闊三百六十丈水門

四

黃澣塘在東鄉去州九十里長一千六百二十丈闊五百四十

丈水門四

石攔陂塘在安豐鄉去州七十里長三百六十丈闊如之水門

一

上石塘在安豐鄉去州八十里長五百四十丈闊如之水門三

下石塘在安豐鄉去州九十里長七百二十丈闊如之水門二

張先陂塘在安豐鄉去州九十里長五百四十丈闊如之水門

二

蘆陂塘在安豐鄉去州九十里長三百三十丈闊五百十丈水

門二

朱陂塘在安豐鄉去州百三十里長九百丈闊七百二十丈水

門三

龍陂塘在安豐鄉去州百五十里長七百二十丈闊五百四十

丈水門三

上桑陂塘在州西南五十里周圍二十里水門二

下桑陂塘在州西南三十五里塘制甚大水門八

按壽州志載塘四十餘處此特舉其大者諸塘大抵起於唐

以前近亦漸湮雖奉例興修止及安豐蔡城二塘其餘不在估修之例是在有志興復者

鳳臺縣魯村灣插田在縣東北三十里西南負山東北濱淮爲地三百餘頃內有三湖西徐家湖中孔家湖東馬家湖受南山之水地勢西高東下西湖不可開東注則東湖瀾漫北灘亦高淮水盛漲由東灌入舊有土埭障水尋廢乾隆十七年知縣朱辰詳請築壩未果二十四年知縣鄭基續成之建石插以司洩閉知縣鍾旭黃道恩沈丕欽相繼增修嘉慶十二年大水衝廢十四年知縣李兆洛令塘外挑土抱築增石插高三尺餘

大山集壩在縣北二十里卽魯村灣上壩淮漲則溢入爲患知縣朱辰請修鄭基續成之長六百丈高四尺
豐湖插田在縣西三十里舊名小口溝在焦岡湖濱淮一面屢被

淮患嘉慶十四年知縣李兆洛築燕湖口壩大口溝壩楊家腦壩以防驟漲是冬淮水落因開小口溝以洩湖水建石插以資宣節又疏催糧溝中心溝以下高阜之水

二里壩插田在縣西二里肥水入城西湖之口舊插久毀肥河小漲卽淹嘉慶十五年邑人趙長清等重造

王葉家巷東西壩在縣東北三十里石頭埠諸山之水由胭脂溝入淮淮漲倒灌則濱溝之田皆爲巨浸嘉慶十五年士民廖朝紳廖奎祥捐築壩二道西壩長二百餘丈東壩長五百餘丈保護民田六十餘頃

涇泥河黑濠河裔溝皆宣導蒙境及縣西北境高阜之水分注淮肥爲下蔡以北水利要害乾隆二十二年知縣鄭基請帑修濬今河形雖在淤塞過半

界溝在縣西北境與蒙城東南境爲界蒙城地高平原水集輒注縣境舊於分界處掘溝於賈家村平岡分一支東注黑濠入淮一支西注西肥入淮以衛民田數十百頃今歲久漸淤盤泉出東泉塘山西麓盤石下合山南細泉注澗可灌田百餘頃

元女泉出紫金山西南麓泉極大又附小泉涌溢而下流爲澗澗六府山間終歲不竭南注於肥可灌田百餘頃

聚星泉出鸞尾山北沈村東南石板橋邊泉眾出如聚星終歲不竭北注錢家湖可灌田二頃

抱雪泉出廬題山西北終歲不竭北注瑤澗湖可灌田二頃餘沁月泉出小石嶺口北泉底數百竇上吐爲珠沫大曠不涸溢流東北會大石嶺水入牛氏長溝歲潦山北窪地被浸依山居

民賴此灌山坡稻田可四十頃以上鳳臺宿州牌湖隄在符離東北九十里灌田五百餘頃

按是隄唐顯慶中修久廢

睢河隄起毛城鋪入州西北界下抵靈璧縣界嘉慶二十二年署知州劉用錫因彭溝牯分洩北股河減黃入睢水勢浩大詳請奏准幫修睢河南堰道光三年知州蘇元璐因歷年蕭縣漫口減黃入睢西堰危險詳請奏准幫修睢河西堰

北股河隄由天然插下夾河兩隄自蕭縣之永堽山至州之艾山東面依山西岸築隄高廣如汰黃隄至會婁山以東爲縷隄高廣如睢河隄嘉慶二十年署知州劉用錫詳請於河西岸創築新隄東禦黃流二十二年又創築南堰北堰路家堂靈鷲寺下抵靈璧界兩岸無堰每遇減黃漲溢盡成澤國道光五年知

重刊安徵通志卷六十六
州蘇元璐勸民修築

南股河隄由河南永城縣入州西北界下抵靈璧縣界

北運糧溝插插夫四名知州經管

西流西黃疇彭溝沙溝四插插夫十六名州同經管

桃溝唐溝柏山欄干山四插插夫十六名州判經管

紫蘆湖湖產蘆紫色故名或云卽子路百里負米處名子路湖

車家湖漢丞相田千秋好乘小車武帝呼爲車丞相征和閒封

富民侯食邑於蘄其府遺址猶存因以名湖

蓮花池在州東北八九里池甚廣闊中多芰荷

劉家湖在劉家關西晉劉惔居此故名

傅家湖明潁國公傅友德居於湖南故名

鄭陂漢獻帝時鄭渾爲沛郡太守郡居下溼水潦爲患百姓饑

乏渾於相蕭二縣與陂場開稻田郡人不以爲便渾曰地洿下

宜灌溉終有魚稻經久之利遂躬率百姓興工一冬皆成比年

大收租入倍常郡中賴其利刻石頌之號曰鄭陂

土型湖卽古白瀆故道爲鄭陂下流

蔡里湖四山環繞形勢最佳湖中有舊城址

橫隄湖運斗湖邊家湖白雲湖赤底湖蔡莊湖龍山湖皆在州

西南

黃鴨湖馬家湖皆在州南

龍澗潭在騫山五里之左灌田數十頃歲旱禱雨輒應

固臺泉在固臺寺神座下匯流寺前爲塘灌田園數頃

龍泉在武里龍泉寺側東流名老泉左右有小泉數十衍流極

盛溉田數十頃

珍珠泉在鎮頭寺院內流出寺前又一泉合流山下灌田數百畝產稻最佳

上元泉在靈源寺前灌田數百畝泉水清甘味如中冷以上諸泉皆在北州

溪溝騎界溝郝家溝香椿溝神路東西兩溝申家溝新挑溝印

家溝土山東西二溝舊北股河溝集溝皆在州西北

北運溝石洞溝彭家溝黃家溝清水溝馬莊溝皆在州北

板橋溝大橋溝老山泉溝龍泉寺溝朱家溝大挑溝小挑溝鎮

頭寺溝水橋溝玉皇溝灌溝芙蓉溝看花溝北流溝草溝溜溝

橫溝北界溝七里溝八廂溝鴻心溝黃助溝皆在州西北

小草溝南界溝南臨溝西臨溝東臨溝北橫溝古橫溝軍路溝

楊家溝張家溝吳家溝胡家溝界溝八丈溝藁溝柳溝官溝梁

溝支疇溝項家溝趙家溝王家溝戴家溝安家溝龍鬚溝廖溝

湖溝皆在州東南

南運溝叟溝陳溝東牛溝雙龍溝驢溝許家堰溝太平溝宋家

溝青龍溝鳳池溝馬家溝黃溝皆在州南

唐溝挑溝關溝傅家溝豬漿溝楊柳溝西牛溝尤家溝白廟溝

蕭溝雙沃溝長溝毛家溝青化溝姬家溝大柳溝三道溝黑溝

五渡溝白羊溝雁領溝大里溝西小里溝東小里溝小白羊溝

小青羊溝韓家溝鳳皇溝緱家溝傅里溝三里溝七里溝岔溝

任家溝孟溝曹家溝蓉花溝半截溝蔣溝鳳溝興龍溝一崖溝以上

家溝雙廟溝鄭溝大麻溝青龍溝紅溝三溝皆在州西南宿州

按宋蔣之奇為淮東轉運使修水利以食流民宿州諸溝多其修濬臨渙橫斜三溝尤其大者

靈璧縣黃泥溝在縣境西北合君寶靈覺諸山之水至李家窪其流始大往時黃水南來沙鎮溝塞乾隆十九年知縣貢震請帑開濬

魁山支河由宿州柏山頭至靈璧三村口入睢河明萬曆間潘印川濬以消徐城積水爲兩隄以束水後爲黃水淤墊西水壅滯宿境先被其害而靈邑固賢三村一帶亦爲巨浸

運料河在謝家樓康熙中淮徐道潘尙智開乾隆十八年黃水淤爲平陸

房村涵洞引河康熙五十年河臣奏改挑由焦官營至靈境單家橋以南因其開通峯山插故名河成之明年黃水潰隄睢境全河盡淤靈境猶存河形兩岸淤高內水不出連年被浸居民苦之

京渠在九項山西北西繞丁公山而南約五里爲章渠又南三里爲杜渠人謂之三渠

磬山溝自釣魚臺起至擡網口入孟山湖洩魚溝以東岡原之水年久淤塞

漁溝在縣北七十里洩沫溝湖水南入睢河溝形淺窄乾隆四年河員濬之以接峯山插引河遂成巨川嗣後屢塞屢濬

輝山溝在白馬山前東西十五六里南北四五里舊有溝在湖窪中乾隆八年邑人因前歲峯山插啟黃水爲災請開舊溝以減水患

潼河在潼山之麓北接三汊河分洩北來之水較爲直捷青龍溝南通潼河與華家溝相對

拖尾河在縣境西北洩青冢湖之水入睢以湖爲首則河爲之

尾故名河所經北鄉極窪之地淤塞已久乾隆十九年知縣貢震請帑開濬

五丈溝自宿州余家窪東至靈境三村寺後至王家井入拖尾河疇湖陵子湖土山湖孟山湖崔家湖俗謂之五湖

李宿家溝初從霸王城西宿境睢河南出故其地名三汊河至李家莊入靈境會斗溝長三千五百餘丈後宿州開清水河築子堰三汊河遂塞乾隆十三年監生趙長治開濬此溝即接清水河東至韋疇入睢不由故道

斗溝發源宿州楊家湖至梁家莊入靈境會楊疇溝北入睢河塘溝原從宿境燕子口分睢河之水至王家莊入靈境會斗溝自燕子口塞受宿境磨臍溝之水亦為黃水淤塞

長直溝自縣東北潼郡集起南至板橋又南至魏橋又南至荀

家鋪又南至長直溝集北止長六十餘里

石湖四溝三注山下湖名甚多大者石湖為最四面各有溝為

縣東水道一大關鍵

斜溝在石湖北起自孟山湖至石湖長五千二百餘丈洩西北諸湖之水久淤

楊家窪溝在石湖西由潘家集至新河東口入石湖長二千二百餘丈久淤

老鶴脖湖在石湖東洩石湖之水橫截長直溝東入虹境荀家溝長九百餘丈久淤乾隆十九年里民開通石湖之水東出甚

暢

范家溝在石湖南洩石湖之水南過吳公橋入岳家河以通虹境草溝初吳公橋金門甚窄宣洩不暢沐隄以北田廬被浸乾

隆十九年知縣貢震令民於江家窪接挑一溝明年改建吳公橋加修高闊於是湖水南注直捷通暢

土山溝在縣北三十里源出注湖北流入小河過土山湖以入睢河陳家廟以南向無溝形康熙中商人捐開小溝南通十里店後漸淤塞乾隆十九年開挑鳳河及范家溝由是土山溝向為北流者轉而南流

鳳河乾隆十九年開濬長六千餘丈

陸家溝發源宿州麻湖東至靈境傅家橋至疇集北入楊疇溝長四千三百餘丈年久淤塞乾隆九年里民呈請疏濬十九年工成

楊疇溝起自穆家湖北涯之冉家橋至胡家宅入睢河長三十餘里宣洩楊疇四面數十里溝窪近年各溝淤淺

羅家溝洩城南窪地之水久淤乾隆八年開濬長五千餘丈十數年復塞知縣貢震重修寬深如舊惟戴家屋後溝形兜灣改為直截

七里溝起自縣南梁家廟之西至西家場長一千五百餘丈城

西王家湖城南杜家沖之水由此溝宣洩年久淤平

岳家河起自縣東吳公橋以洩隄北石湖之水至岳家莊後會

羅家溝

大路溝在城南至固鎮昔年半為湖路夏秋雨集田畝被浸行人病之乾隆七年巡撫陳大受等會題請修治大路路旁開深溝以洩平地之水

葛家溝起自柯家湖至黃家莊入沱河長三千餘丈

姚家溝在葛家溝西起自柯家湖過陳家橋入沱河其長與葛

家溝相等歲久不修乾隆十八年以諸生劉長祚等請濬之

李家溝在姚家溝西起自楊家集至劉家橋南入沱河約長十五六里乾隆十九年濬

小龍溝在李家溝西起自齊眉山西北之葉家湖至交龍谷堆南入沱河溝形屈曲約長二十四五里

洪溝在司家坊之西與宿州接壤率多湖窪溝從高家湖過錢家莊入沱河約長十五六里徐元集以南平地之水皆由此宣洩

溧澗源出沱河北起觀音閣東之三空橋南至澮河宿靈以此分界故亦名界溝

馬路溝自宿州來入靈璧境至五河縣甄家集南入澮河東西橫貫洩水最爲順直

蘇陳溝在固鎮東起大路七里橋至徐家小樓東入澮河約長十五六里

陡溝在蘇陳溝東入澮河長二十五六里朱家康家時家諸河之水由此南洩宋李顯忠復陡溝克靈璧卽此地

貝溝在陡溝之東入澮河長二十五里

北直溝在貝溝之東入會通溝長十餘里前馬路水盛故多分洩之溝今淤

珍珠會通二溝起自羅家橋東南至倪家橋分四支一支南流合北直溝水以達澮河長三十餘里爲會通溝久淤

蔡家湖溝在濠城南歸澮河約二十餘里新馬里東之水藉此宣洩久淤

蘆溝在澮河之南跨鳳陽靈璧兩縣入河溝北諸湖之水俱藉

宣洩久淤

格子溝鳳陽靈璧之界溝也溝東屬鳳溝西屬靈

觀音溝由鳳陽縣境釣魚臺西來至遲家莊南入靈璧境受格

子溝水入肥河

運糧溝一名大溝在格子溝西衛地李家湖及縣境平地之水

俱資宣洩

清河溝在八塔集北之清河里入洪溝約長五里許溝形已失

方家溝在蚌步集東淮河之濱淮水衝刷成溝淮漲即從溝口

灌內地濱淮二三十里俱為巨浸居民每於溝口築隄堵禦上

靈璧

舊按孫叔敖作芍陂安徽水利此為最古外如蔡城塘郭陂

塘花園湖皆水利之大者修而治之上腴之地也顧黃河南

徙奪泗入淮而渦睢沱澮諸水亦時助其虐往往為一郡害

靈璧境內黃河僅二十二里而張家瓦房通河稱極險焉治

水者縱不能使水之不溢亦當求水之易消誠使多濬溝渠

以容以洩冬春閒地無積潦二麥得以播穫民病庶有瘳乎

重修安徽通志卷六十七

重修安徽通志卷六十七

河渠志

水利

潁州府

阜陽縣陶中湖在縣西一百十五里潤溉田畝居民咸賴

界溝小河在縣西北界溝之南明成化中同知劉節開渠引水

以灌田

清陂塘在縣南百二十里引淮水灌田為利甚溥

椒陂塘在縣南三十五里唐永徽中刺史柳寶積所開引潤水

灌田二百餘頃今有椒塘鎮

土陂屯栗林諸水以溉黃花陂西之田

溫家堰土人築以蓄土陂下流之水溉黃村店田

盆陂障谷河之水以溉河北田
雙陂障谷河水以溉黃邱村南之田

按潁州府志椒陂塘雙陂今皆廢

西湖在城西五里舊廣二里袤十餘里唐許渾從事於潁有西湖清燕之句宋晏殊歐陽修蘇軾相繼為守皆燕賞於此與杭之西湖並稱蘇公乞畱黃河夫萬人濬湖並境內溝洫歲久淤淺侵佔明嘉靖乙未兵備道李宗樞委判官呂景蒙勘復湖地十頃有餘

國朝康熙七年知州喻三畏浚湖修牖二十五年知州馬之驊引流植木勘查隱佔尋復廢雍正十三年知府盧見曾查復湖田一十六頃乾隆十三年知府王斂福增修清理

慧湖在郡城東里許邑人王允開濬

東張家湖在城東三十里潁水北岸方廣六七里相傳卽古寢

邱陷為湖

良莊湖在城東北三十五里互三十里橫十里

姑嫂湖在城南八十里崇灣中

鏡湖在城南九十里谷河之南

六百丈湖在城南百里淮河北

南張家湖在城西南一百七十里龍項灣周圍四里

白楊湖在城西百二十里黃河水道淤隔成湖潦水至則界溝

湖之水會於此

范家湖在城西百二十里今為沃壤民皆樹藝

鄭家湖在城西百五十里舒陽河之南方廣五里俗傳鄭祥遠

據此湖與張龍公戰

七里溝在城東七里

龍封溝在城東三十五里引張家湖水南入潁河

站溝在城東五十五里楊灣村入潁河

海家溝在城南七十里東流為桃子河

清溝在城南百里為清陂塘設塘西一溝上通汝河前代置牖

汝濱水涸則啟牖取水足則閉之塘東二溝並馳而東六十里

至紅林為民田水利今俱廢

蔡村溝在城西三十里引柳河以南陂水入潁河隔河有寅溝

引義塘東南之水亦入潁河

伍名溝在城北三十里以近子胥宅得名相傳伍奢為太子建

相開此以洩潦水今西北猶賴此溝免水患自母豬港南直流

七十里至入沙河處地勢益低注下幾數十仞聲如擊鼓又名

響鼓溝

乾溝在城西北四十五里與亳州乾谿接壤

小橋溝在城北九十里北引轍溝之水入淝溝西南即三汊溝

亦通淝

紫壩溝在城北龍德寺南與阜溝通入淝

金溝在城北百二十里岳廂之西畝澮積水流入茨河

雙溝在城西小汝河北自沈邱八里灣而東雙溝並馳一百餘

里尾達柳河中間過小汝河黃溝基字溝溝南有陳家溝狼溝

大蟲溝阜溝諸水俱入潁

卞家溝在沈邱小汝河南積流至樂莊陂北匯破邱之水入潁

九里溝在沈邱之東水自范家湖過定鄉經董家店繞徐家莊

入潁

版腸溝在城西南百四十里積清陂塘北之水通谷河

五汊溝在城西南百六十里艾亭北有泉流入老堰溝會汝河

兩岸灌田二十餘頃

安舟塘在城南百里環安舟岡七里成化中廢同知劉節修復

三障陂在城西百八十里

銓家堰在城南八十里乾隆十五年知縣王鏞修築

三牖在大潤河小潤河白龍橋三處置牖以時蓄洩蘇軾有千

夫餘力起三牖焦陂下與長淮通之句今廢以上阜陽

穎上縣江家湖在縣西北二十里水通黃溝東入沙河

丁家湖在縣東二十五里水出沙河今湮

班村湖在縣西北三十里水注黃溝東流入沙河

白馬湖在縣東四十里水中有洲上建白馬寺

第三湖在縣西南四十里

團湖在縣南五十里

鹽站湖在縣南十里

長林湖在縣東北十里上通茅城溝下接王愛溝入沙河

陽臺東湖西湖在縣北十五里二水合流經陽臺南馳至一汊

溝達王愛溝入沙河

十字溝黃溝支流通柳溝

灰溝在縣東十里

涿溝在縣東南六十里上接灰溝下達沙河

秋家溝在縣東南七十里

蔡家溝蔣家溝曹家溝廣連溝劉家溝俱入沙河知縣薛宗琳

捐濬

周家塘在縣西北十二里元周總管家於此故名

王愛溝在縣北十里陽臺長林湖水皆注此溝西入沙河邑人

王愛居溝側故名

茅城溝在縣東北二十里東流復折而南入長林湖

西柳溝東柳溝自阜陽縣南東流入縣經柳河村柳谷溪

黃溝自阜陽縣入境西北流三十里折而東入沙河以上

霍邱縣淮隄西自北河口東至任家溝口止乾隆二十二年知

縣劉吉請帑濬築

水門塘在縣東北十里周圍二十里即春秋時楚令尹孫叔敖

所作大業陂年久日淤豪強侵佔乾隆十八年知縣張海勘定

塘身縣互一十九里八分割界勒石立案

按江南通志敘水利治績亦云大業陂孫叔敖所作而敘鳳

陽水利則云大業陂隋大業中修以灌田殊相矛盾

天淨湖在縣西三十里四時不涸

胡陂塘即無溪塘

棗林塘即大官塘

板門連二塘周圍十里

大陂塘即劉家大塘

干功塘即沙河以上

按霍邱縣志載塘堰湖澗四十四處

亳州乾谿楚王起章華之臺為乾谿之役即此地

按寰宇記城父縣乾溪在縣南五里今稱乾谿溝在亳城東

七十里上接清游之水下達於淝

高陂在城父南五十六里周圍十三里多魚鰕菱芡之利

清游湖在城東南百餘里本七家湖地盛漲則合為一稍落則分為二寬四十餘里西接明河油河之水北流為漳水東為龍鳳溝梭溝入渦南通乾谿入淝東南為茨河入淮

耿塘湖在城父村東三十餘里

白零湖在城父村東北三十里二湖水俱由龍鳳溝梭溝歸渦水落時俱可種藝

駱家湖在城北三十里引田家瞿家等溝達於渦

龍潭在渦河西十里

花馬潭在城西北二十里為苞河匯聚處方廣十頃旁列榆柳中種菱荷

東南鄉之溝凡三十九

西南鄉之溝凡十一

西北鄉之溝凡九

東北鄉之溝凡三十以上亳州

按亳之水患因州東南皆汗下之地雖南有淝北有渦而諸溝淤塞不能貫通每當夏秋淫潦泛溢無歸其尤甚者明河中心溝及油河諸水皆會於三丈口之清游湖又兼受河南鄰郡之水故其勢益浩瀚知州盧見曾擬開梭溝因有砂礮難於疏鑿遂開龍鳳溝故道俾水之阻於砂礮者皆由龍鳳入渦而龍子岡黃家溝之由牛毛河達梭者亦皆由龍鳳以入渦諸水漸次通達惟是亳土墳墟易於壅塞宜隨時疏濬渦陽縣河南之湖溝四十二河北之湖溝三十四渦陽縣太和縣五道溝在縣西南十里明知縣劉玠疏沙河支流以灌

民田

周家窪湖在縣北二里由七里澗入茨河

東西白洋湖在縣西十五里西通柳河

上中下聶家湖上湖去縣西北四十五里由流雁溝北洩八丈

河中湖去縣西北四十里亦由流雁溝南洩沙河即今蔡家廟

湖下湖去縣西北二十里由稅子鋪口洩沙河即今柳林湖

鴨兒湖在縣西二十里

陶種湖在縣西四十里東洩柳河

明水湖在縣東南四里南通五道溝洩茨河

寶仲湖在縣南三里洩茨河

七里澗湖在縣東八里東洩茨河

竹園湖在縣東五十里南洩茨河

茅岡湖在縣北十里南通周家窪北通雙泉寺洩茨河

魚營湖在縣西南二十里南通柳河

臥龍湖在縣北八十里北通淝河

郭城陂在縣東十里東通谷河

母豬溝在縣東三十五里自埜林溝西洩茨河

時家湖在縣西八里西通沙河

史家湖在縣東北四里通谷河

板橋陂在縣東北八十里南洩淝河

斤溝在縣北六十里形如斤故名通茨河

吳漕溝在縣東北八十里北通明水轉入淝河南通宋塘河

大澗溝在縣東北五十里通淝河

流雁溝在縣西北二十里北通八丈南通坯灘入沙河

十里溝在縣西北二十里南通沙河

柘林塘在縣東北十里灌田四千七百五十七畝

東門隄西門隄二隄各長五里許宋慶元間漕司給錢修築自元至明興廢不常

國朝康熙十一年知縣高自遠修築

山陽圩潘城圩楊學圩三圩為田幾五千畝趙佑卿修築

以上建平

按廣德地居上流眾山之水可名者四十八溪其間分合鉅細不一多歸建平以入南碕湖絕少停蓄北鄉尤甚昔賢興陂塘以為早備計至遠也今塘迹雖存淺淤居半諸溪故多沙礫兼近日邱陵墾闢山農蒔種麻菴仁草之屬利雖較優而沙土鋤鬆水發沙走春漲秋霖洪波奔瀉而建平為壑矣或雨澤愆期枯涸亦易膏腴悉為草宅道在隨時疏濬堅築塘壩使水長可緩奔騰之勢水落可收停蓄之利建平地勢

東南高而西北下東南山阜聯延廣德甯國而西南碕湖則眾流所歸溪澗數十大抵原於廣德入於南湖北有北河長數十里其自東南而西北經流九十餘里襟帶縣境者莫大於郎溪而關通邑利害者為浮塘湖浮塘湖之東為丁公池池東北四五里外皆高澗水趨赴郎溪溪不能受於是池東廖店鎮之水畢注於池池西之隄不能禦則又自東而西入浮塘湖浮塘湖之南小圩埤破則郎溪之水復自南而北浮塘湖乃泛溢為患於是審其要害莫若修護龍塘埤以防之合邑圩田少高多下高圩率在溪南縱有淹沒不過數日東門西門諸圩亦然若兜臀楊賽兩圩地形最下一有積水非月餘不退則秋成無望矣是故積決之害下圩為甚禦災之法上流為先惟長民者實圖利之

界溝在縣西北六十里通沙河

雙泉溝在縣北三十里通谷河

埜林溝在縣東二十里通茨河

蒲溝在縣北八十里通茨河

獃家溝在縣西二里通沙河

獨龍溝在縣西北二十里通沙河

港溝在縣北四十里通谷河

長世溝在縣西北三十里東通茨河

阜溝在縣北八十里通茨河

稅子鋪口牖

朱家口牖

白洋湖口牖

坯灘溜口牖

獃家口牖

洪思溝長二十里洩潁陽水入谷河

古蓮花溝長二十里東南入茨河

古張祥溝長六里洩蜘蛛湖水東入茨河

古琉璃溝長四里洩蜘蛛湖水東北入茨河

古張七溝長七里洩牛家陂水西南入茨河

古大青溝長八里洩竹園等水西入茨河

古時家溝長八里洩濫柴等水正西入茨河

李明溝長六里洩蜘蛛湖等水正西流入茨河

古大通溝長七里洩周家窪等水東南入茨河

古箭溝長五里洩魚鱗河等水東流入茨河

古白洋溝長七里洩牛家陂等水東南入茨河

古小青溝長七里同張七溝洩入茨河

古紅溝長三里洩良善陂等水西南入茨河

古魚鱗溝長五里洩濫柴等水西入茨河

古柳溝長二十里洩柳湖南奇遇橋水入黃河

古戚家溝長十里洩三白洋湖水東流入黃河

萬福溝長十里洩三聶家湖等水正南入黃河

永濟溝長八里洩劉家陂等水北入黃河

古吳家溝長十里洩三聶家湖等水西南流坯灘溜口入黃河

古斜溝長七里洩下聶家湖等水西南入黃河

古蒼溝長八里洩蔡家廟等水西南流坯灘入黃河

古南北獨龍溝南長二十里洩中聶家湖等水北長十五里洩

上聶家湖等水西南流萬福溝俱入黃河

古百尺溝長二十里洩聶家湖等水北入宋塘河

古南八丈河長二十里洩張桂橋等水東入谷河

古南港溝長三十里洩黑虎廟等水東入谷河

古北港溝長四十里洩胡家集等水東南入谷河

古北柳溝長七里洩東港等水東入谷河

古文昌溝長十里洩龍泉等水入八丈河

古後溝長二十里同前溝入茨河

古舊溝長二十里洩洪水諸水西南入茨河

古南北蘆草溝南長八里洩安豐等水西南入宋塘河北長五

里洩蘆草等水西南入茨河

古箭溝長六里洩西港等水東流向北港入谷河

古前溝長十六里洩魚鱗溝等水東南入茨河

古西魚鱗溝長十五里同前後溝入茨河

古穆家溝長十里洩臥龍崗等水西南入茨河

古南北阜溝南十里洩臥龍等水東南入宋塘河北長七里洩

張窪等水東南入茨河

古脂溝長十七里洩張家窪等水入宋塘河

古宋溝長四里洩楊家窪等水東南入淝河

古肥水溝長六里洩淝水正東入淝河

古齊王溝長三里洩北原馬場等水東南入茨河

古柘溝長八里洩柘樹等水東南入茨河

新開橫溝黃門地方乾隆十六年鄉民公開自范家賈莊路東

起下入馬場溝達茨河以上太和

蒙城縣洪塘湖在縣南十五里

軒家湖在縣東南二十五里

白家湖在縣西二十里

鯽魚湖在縣西南四十五里

閔子湖在縣西南四十里

大衝湖在縣西五十里

蔡湖在縣西五十里

冷水湖在縣東五里

赤鯉湖在縣北五十里

繖兒澗在縣東半里

三穿澗在縣西十三里

雙澗在縣東南三十里

沱澗在縣西四十五里

黃連澗在縣西三十里

廟澗在縣北七十里

小澗在縣西北二十五里

鳳皇溝在縣南門外

馬廠溝在縣東三里

紀家溝在縣東南二十五里

沙溝在縣西十五里

拖鋤溝在縣西二十三里

橫溝在縣西五十里

歐家溝在縣西六十里

雉河溝在縣西九十里

九里溝在縣西北九里

呂家溝在縣西北五十里

許家溝在縣西北七十里

俞家溝在縣東北三里

南界溝在縣南九十里

澗溝在縣西門外

衣溝在縣南五十里

五里溝在縣西北五里

謝家溝在縣西三十里

于家溝在縣西三十里

范家溝在縣西五十里

葛家溝在縣西八十里

七里溝在縣西北七里

蔣溝在縣西北三十里

柳溝在縣西北六十里

五瀆溝在縣西北九十里

湖溝在縣東南七十里

東界溝在縣東六十里以上蒙城

按潁境之水大支有五潁河沙河來自西北汝河淮河流自西南西淝河則直注正北其中大小濶河茨河谷河桃子河清河諸水潑洄旋繞周乎四境然田土皆平原曠野不皆近河必隨地有溝以達於河故魏鄧艾始開河渠唐柳實積修椒陂塘宋蘇軾治溝洫皆以水利為重夫自黃河南徙汎溢時虞宋開寶四年潁水漲溢漂壞田廬太平興國五年潁水

溢壞隄及民舍此淮水汎濫及潁之害也金之季年河決太原水經城北元末河決通許自陳州商水入南頓混潁水而東奪流入境明洪武二十四年河決河南由陳州合潁逕太和縣奪流入州此黃河衝決及潁之害也我朝二百年來河流順軌而霖雨驟集時有偏災大抵潁之水患有二其大者在淮河之不能容其小者在溝洫之不能洩溝洫之患較淮河尤切淮河患在初長不能禁之不來為時甚暫溝洫患在既退不能決之使去為時甚久也今溝洫之水不能達河而但曰河水為患河豈任受哉

滁州

菱溪塘在州東七里相近為官塘各灌田數頃

五湖塘在州東十里相連為靳湖塘各灌田甚廣

秦皇塘在州東二十二里周三里灌田數百頃

平湖堰柳子堰二堰俱在州南各灌田千餘畝

山河發源於鳳陽諸山可以直抵浦口因孟子背阻塞水由六

合轉壺盧套出瓜埠數百里而後入江水口細微疏洩不易滌

浦沿河田畝資其灌溉往時曾題請疏鑿

琅琊溪在琅琊山下唐大曆中李幼卿導

平湖溝在州東十里

新溝在州東五十六里

洪溝在州南龍興寺西

鳳皇溝在州北十三里

龍尾橋水在州東門外

大石塘在州西北

長溝在州北六十里以上
滁州

全椒縣高塘在縣西三十里溉田甚廣

蔡湖在縣南十五里居民多引流以溉田

鄧湖在縣西北三十里

小湖在縣南十里

叔伯湖在縣西北十里

赤腳湖在縣西北六十里

府城澗在縣西五里府城岡

龍塘澗在縣西二十里

石潭澗在縣西二十五里三岔河

螺蛳澗在縣西北二十里

白楊澗在縣西北一百里

石白澗在縣北二十五里

虎子澗在縣東北三十五里

金家溝在縣東一里

華家潭在縣西三百步

興塘壩高皇壩在縣東

鐵犁壩黃塘壩大壩董壩新興壩郭壩王子壩在縣南

路家壩諸流壩楊家壩青龍壩城子灣壩白笑壩李家壩蘆子

壩二婆灣壩趙梁壩在縣西

白壩千秋壩在縣北

孫胡塘在觀音庵周三百一十丈

白汪塘在縣西周九百一十丈

東白水塘在寶積寺周十里

西白水塘在寶積寺周五百五丈

徐塘在富安巷周一百二十丈

八陂塘在富安巷西北周一里半

邱塘在富安巷周三百一十丈

姑塘在新高樓周一百二十丈

孤塘在獨山下周三里中心一圍廣半畝深二尺許

馬塘在縣西周六十二丈

郭家圩長陵陂圩教場圩塔子圩陳家圩西官圩港西圩萬春

圩王馬圩東官圩散水圩張家圩高家小圩在縣東

小湖圩牛頭圩羅家圩米家圩二圩小圩寶德圩蓮花上下圩

海子上下圩周家渡上下圩顧家圩黃花圩高家圩大都圩赤

石埠圩呂家圩孫慶圩朱泗圩三城圩張巴圩石城圩在縣南

新牆圩大骨墩圩許家圩襄城圩在縣西全椒

來安縣泰山塘在縣東溉田八十餘頃

大石吼塘張勝塘二塘各溉田四十餘頃

王家堰在縣南又有雍塘陳塘月塘露珠塘各灌田數十頃

龍尾壩即龍尾橋水周數十丈成化五年知縣趙禮築隄障水

灌田千畝至今賴之嘉靖四十五年劉正亨修

六戶壩在蘭沛橋下澗水為天澗水源自龍山明萬曆中六戶

合築故名

塔兒塘長三百丈灌田十頃二十五畝

戴家塘長二百八十丈灌田一十五頃

楊家塘長二百二十丈灌田十九頃五十五畝

官塘闊六十丈灌田九十八頃

石塘長三百丈灌田二十五頃五十畝

五湖塘長三百丈灌田二十三頃五十畝

戴家湖塘長三百五十五丈灌田一十四頃

大雅圩周二千七百丈田九頃八十畝

董清圩周三千六百丈田二十六頃

姜清圩周七百五十丈田十頃二十畝

鄭和圩周四千五百丈田一百一頃四十四畝

廣大圩舊廢後縣民王來告修

雍家圩周七百丈田八頃三十五畝

范家圩即宋樊家圩周一千一百一十二丈田二十七頃二十

七畝

三教圩周二千三百丈田九頃五十三畝

玉清圩周三百丈田八頃十四畝

顧勝圩周二千七百丈田八十一頃五十一畝

塘南圩周一千八百丈田二十八頃

扁圩周一千六百丈田三十六頃

黃壩圩周三百七十丈田四頃十畝

三城圩衛種三十一石一斗民田二千二百六十四畝九分六

釐六毫五絲

固鎮圩即顧勝圩民田九百七十畝五分七釐

胡母圩衛田四百六十八畝一分三釐民田二百八十六畝三

分以上

按來安縣志載宋元祐七年知縣沈希顏置陂五十八所溉

田二百二十餘頃其後元符圖經載通邑塘沛一百九十五

所今多湮廢其可考者宋塘七十一所宋沛二十八所

又按滁州枕山帶川合州之水二十有四皆匯滁河浸灌稻

田潤及百里全椒來安尤多圩田稱沃野然而山水暴發沿

河田畝一望汪洋諸圩潰決屢告蓋以此河去路必從張家

堡趨六合至瓜埠口始能出江陸路不及百里而水道百八

十餘里其間曲折迂迴不能直瀉兼之水口微細有江潮倒

灌之阻無怪乎水之易漲而難消也議者謂自張家堡開河

由塔營朱家觜達浦口以出江則路近而河直宣洩較易庶

有豸乎

和州

韋游溝在州東北唐開元中縣丞韋尹引江水十五里溉田五

百頃貞元中游重彥復治之民享其利故以二姓名其溝

千秋澗在州西北宋濬熙中州守置斗門以防麻湖澧湖之水
洩入大江歲旱藉以灌溉

馬堰塘周四里灌田八頃

牛塘周三里灌田五頃

大烏塘在州北十里周五里灌田二十頃又小烏塘周五里灌
田十頃

彪塘周三里灌田十頃

章莊塘周三里灌田二十頃

簸箕塘在州東南三十餘里周三里灌田十頃相近有石莊塘

周四里灌田二十頃雙山塘周三里灌田十頃

廣洋塘在州西四十里周五里灌田二十頃

南新塘在州西北五十里周四里灌田二十頃

銅城堰在州南六十里吳赤烏中於銅城築堰以捍水患代有

修築田盡膏腴其水可溉田三千頃

石溪塘周一里溉田九頃

歷陽鄉塘七圩二

政理鄉塘五圩十七

長壽鄉圩十五

順天鄉塘三圩十九

雞籠鄉圩十一

翔鸞鄉圩二十五

東梁鄉圩二十六

遵教鄉圩二十

懷德鄉圩十以上和州

含山縣環峯塘在縣東周十里溉田一百頃相近有新興塘周

二里灌田四十頃

崇義塘在縣東南周一里灌田五頃相近有太湖塘周三里灌

田八頃溪陽塘周二里灌田八頃

一都塘三圩五

北二都塘三圩八

南二都塘三圩四

三都圩十四

四都圩十六

五都塘一圩八

六都圩九

東七都圩十

西七都圩十二

東九都圩十

西九都圩六

十一都圩十四

十二都塘二圩十二

南十三都塘四

北十三都塘二

十四都塘三圩二

十五都塘三廂一壩二以上含山

按和州瀕江水鄉宜稻青疇繡錯紫陌星羅人力不勞而收
浸灌之功兼有魚鰕蜃蛤之富然地形卑下江波泛溢受害
亦深道在謹其隄防治薄增卑歲修毋懈含據和之上游三

面枕山一面臨湖形勢特高於和顧每值霖潦江湖外匯溪漲內溢田畝廬舍胥付波臣則以麻漚二湖之廢致水無所容納亦太陽姥下諸河未疏無以為洩水之尾閘耳議者欲鑿橫路鋪山岡通清溪河於巢湖以為灌農田通商賈培風水得三利焉然恐陽侯肆虐江湖交漲含不能支且鑿山伐石工費浩繁設無成功上虧國課下病民生又誰職其咎耶尚其慎而後動焉

廣德州

鯉洪溪在州東十里灌田二萬餘頃

陳河陂在州北三十里灌田五百畝

釋山陂灌田五百餘畝

白馬塘在州北三十里廣九里溉田二千餘畝

管塘在州北三里許廣七里溉田二千餘畝

夏家塘在州東十里廣十里溉田千餘畝

馬家塘廣八里溉田千五百畝

狐狸塘在州東三十里廣三里灌田七百餘畝

鴉鵲塘廣十里灌田千餘畝

胖竹塘廣九里灌田千餘畝

古塘在州西二十里廣二里灌田千二百餘畝

許家塘在五十三都廣一里灌田四百餘畝

壁了塘在水西都廣二里灌田五百餘畝

馬理塘在章墓九都廣五里灌田六百餘畝

下冲塘在月塘都廣二里灌田四百餘畝

百丈塘在湖南四都廣三里灌田四百餘畝

蘭沖塘在西孝都廣四里灌田五百餘畝

張家塘在東孝都廣二里灌田五百餘畝

胡家塘在三十一都廣三里灌田六百餘畝

汪塘在十一都廣三里灌田四百餘畝

葛蒲塘在湖南四都廣三里灌田四百餘畝

人口塘在南泉十都廣八里灌田七百餘畝

油榨塘在東孝都廣三里灌田四百餘畝

焦子塘在湖中都長五里許灌溉甚多南畿志作周二里

漠洋天溪堰在旌節都約百餘丈灌田千餘畝直抵西濯纓溪

橋

中堂陂在三十七都廣百五畝

葛村天溪老壩在州東葛村堡水源有二一自千古山諸溪澗

匯於天溪一白石鼓山諸溪澗水匯於清溪並流入秀水溝

落馬壩在合村堡即葛村堡石築

道士壩在花園堡石築

周藤壩在東橋堡舊作周固亦作周藤明隆慶間知州鍾振發

石築滾水壩

國朝乾隆十五年圮暫築土壩

斗米壩在大路堡土築

鯉魚壩在大路堡土築

東城河壩在大路堡石築以漑河田後圮乾隆十五年暫改土

築青雲樓道士李宗復發以石

南城河壩在馮下堡石築

黃泥壩在戈村

牧洋壩在殷村堡土築

石滑壩在錢村堡石築

橫頭壩在田家堡石築

西城河壩在馮下堡土築

按諸壩自發源至北流各十五里計灌田三萬一千七百畝
有奇此州中水利之最要者

烏泥壩金剛壩螞蝗壩葛家壩柿樹壩苗家壩郎家壩成功壩

黃泥壩俱在小東鄉湯家壩夏家壩觀音壩駱家壩俱在大東

鄉以上廣德州

建平縣蘇大溪在縣西南二十五里溉田數百頃

桐汭鄉塘共一百六十一灌田七萬一千一百七十七畝

昭德鄉塘共六百五十二灌田五萬八千九百九十七畝

臨湖鄉塘共四百三十九灌田七萬五千六百七十六畝

妙泉鄉塘共二百五十八灌田五萬六千八百七十五畝

原通鄉塘共五百九十灌田七萬四千二百六十八畝一分

浮湖塘在縣東五里灌田一萬二千四百一十五畝

五丈塘在縣東廣十五里灌田一千五百畝

青陂塘在縣東廣三十里灌田三千六百五十畝

周公塘長二十里闊八丈溉田四千二百畝

烏沙塘五百三十七畝灌田一千一百三十七畝

信武塘在縣北十里袤十五里灌田三千四百五十一畝廣德州志

作溉田一百五十畝誤

上宋塘在縣東北十里

下宋塘與上宋塘連溉田一千三百二十五畝

六安州

州南境諸水石塘小官塘南五里塘狗兒塘查陵陂塘青草大塘下官塘上官塘官塘民塘九公塘八字塘金陂塘沙井塘八角塘三角塘官連塘青草陂塘竹絲塘官堰黃家堰天河堰劉城堰下白湖龜頭湖採白湖楊泥港共溉田數百頃
東境諸水張塘尺塘下官塘古塘馬沙塘金盃塘新塘長厚二塘三斗塘潑皮塘陂塘孫成塘千工堰下千工堰蔣家堰朱家湖共溉田數十餘頃
西境諸水楮皮塘黃泥塘蛇皮塘關草湖塘沙塘龍塘大塘長塘石觜塘白銷塘灌塘新塘雙塔兒塘張公塘銅壺塘平塘堰車家堰新堰涼水堰吳家軍堰青草湖駝湖冷水澗獨龍澗共灌田數百頃

北境諸水塔兒塘德勝塘五里塘十五里塘馬思陂塘熟陂塘洪陂塘桑家塘猪灰塘麻漲塘白湖塘草湖塘黃土塘石榴塘常家塘竹梢塘旱塘東陂塘猪灰堰官壩堰毛家堰吳家堰石家堰千工堰石工堰龍門堰趙家堰清水湖馬家湖柴枝湖共溉田千頃

以上六安州

英山縣潤州塘一名安山縣塘

休州畝塘卽沈佺塘在縣北三十里

傅家壩在七引司下

程家堰在同義里

石堰在縣北一里

難作堰在同義里

觀音堰在安仁里陶家坊下

楊家堰在同義里父子嶺下

石鼓堰在西北五十里

閻公堰在縣北六十里以上英山

霍山縣塘有趙陂塘胡陂塘九曲塘鐵人塘邱陂塘

堰有桂家堰周家堰毛家堰曹家堰郎家堰千工堰石滾堰黃

泥堰天河堰石堰移陽灣堰以上霍山

按六安之水乘高而下湍急勢悍易盛易竭然瀦之隄之亦可養水性之有餘而補地勢之不足但其土疏弱難堅易毀非勤而修之不為功英山無平原曠野田多衝壠間有濱河者皆沙坪賴堰灌溉霍亦山陬無大陂塘湖堰而民習於勤頗事疏築故偶遇旱魃其災較他邑恆減云

泗州

蒲陽陂在泗水西北東漢時張禹為下邳相徐縣北界有陂旁良田湮廢莫修禹為開三門通引灌溉遂成熟田數百頃後歲至墾千餘頃民用饒給東觀記陂水廣二十里徑百里在道西其東有田可萬頃

安河陡門在種家溝北田家集南為濰水由泗入湖之咽喉向因蘆葦叢生水行濡滯無歲不淤二十餘里入湖之路皆成淺阻乾隆二十二年請帑挑浚

謝家溝自濰口分股起石家集訖龍潭二十五里為匯汴河入洪澤湖分洩濰水之要道乾隆二十二年侍郎裘曰修奏請挑濬併於溝東西挑引河二道以消積潦

鞏家溝長直溝北潼河荀家溝俱在虹鄉皆濰水分支荀家為大長直次之乾隆二十二年挑濬

古汴隄隋大業三年開汴河於兩岸築隄今遺阻猶存非異漲
汴水不能出岸為害起長直溝東逕州城至臨淮百五十餘里
閒蜿蜒起伏望之若連岡斷嶺近隄村落多植古柳

古堰在小曲堡之西未詳所自始土人以古堰名之北自濰甯
李家集起入州境劉家集折而東至堯埠院止禦潼水二十餘
里

苟家溝隄乾隆二十二年大興水利濬苟家溝河以洩濰水由
老鸛脖東南流至梨溝抵州城西北角長四十里兩岸隄如之
障狂瀾衛田廬為利甚溥

長直溝隄在州西三十五里泗靈交界處乾隆二十二年動帑
濬渭橋南一帶溝河以洩靈邑五湖東下之水所挑淤土築隄
岸上時虹未併於泗知縣李允升督民興修於是虹東岸有隄

其河上承睢水下通古汴其隄起渭橋訖長直溝集南北縣互
四十餘里先是睢水泛溢老鸛巷戚家莊諸堡歲被湮浸自築
東隄始成沃壤

西謝家溝在戚家莊東起洋城湖東北至鄧家橋歸苟溝河長
八里

武家溝在戚家莊東起洋城湖會苗家溝歸苟溝河長十二里
流衝溝在吳家集西起萬家莊由徐李各莊歸苟溝河長十二
里

婁橋溝今名新河在新河集北西南由枯河頭歸汴東北與黑
塔湖會長三十里

搜箭溝在蟠龍山東邗家山西為秦橋堡洩水之要區溝之中
隔以沙石故其水南北流北歸睢河南入於汴長三十里

九里溝在古陡村南洩李家河水由談石各莊歸石梁河長八里

龍宿溝在鄧家營距州二十里因明太祖駐蹕得名自黃家湖起南至劉家莊歸石梁河長十八里

柳家溝在東九南自官莊西起洩柳家湖水由塔墟歸南沱河長十五里

李家溝在東九北自曹家莊起洩傅李諸湖之水由胡家集歸南沱河長十八里

同家溝在東九北自湯家湖起由鄧家莊同家廟歸南沱河長七里

料溝在草溝集東北起李家湖由韓家莊歸北沱河長十三里陳家溝在官橋東起王家湖由胡家橋歸岳河長十五里

清水溝在廟臺北起梁家湖由江家莊歸南沱河長十八里

以上十三溝皆在虹鄉乾隆二十二年督民開挑以洩田閒積水

青陽鎮圍一在青陽西堡姚七溝之東長闊五里餘一在青陽南堡七里溝之東長闊三里餘

城兒頭圍二大圍在蘆溝東三里餘小圍在蘆溝西一里餘

按泗州高田本無水患有塘壩蓄洩不必築圍極窪之田河湖水泛非圍可禦惟地處不高不窪圍或有功今此四圍已廢土人云豎土不能蓄水上游山水有大溝洩之雖廢無害

虹鄉圍二俱在劉家集東圍南北三里東西五里西圍南北五里東西七里

以上泗州

按虹鄉二圍障三面河水與泗圍異

盱眙縣洪澤浦在縣北三十里舊名破釜塘鄧艾立泉蕩與破

釜相連開水門入以灌田其後煬帝幸江都道經此久旱遇雨因改名洪澤浦

陸塘在靈蹟鄉灌田二頃四十五畝

新塘在靈蹟鄉灌田二頃一十畝

巖塘在靈蹟鄉灌田三頃五十畝

趙塘在彭城鄉灌田二頃二十五畝

七里塘在舊縣西七里灌田二頃五十畝

李塘在彭城鄉灌田二頃五十畝

赤塘在唐興鄉灌田七頃八十畝

城塘在唐興鄉灌田八頃三十二畝

蘆塘在淮陵鄉灌田二頃二十五畝

柳塘在都梁鄉灌田三頃一十畝以上
均貽

按盱眙水利可興處尚多縣志所載三墩小河順水河枳頭橋河許家河津里河清水壩河磨刀澗河澗溪河等處若相地築壩開溝可灌田千餘頃又澗二十八所泉六所大小舊溝八所塘九千五百七十六所舊壩六所舊墻一所舊埠二所若圖興復灌溉無窮

天長縣萬安塘在縣東南二十五里邑中有十二塘皆明初所開以灌民田天長縣

五河縣雲頭壩在縣治南門外明嘉靖閒知縣蕭文明築萬曆時知縣方堪重修

蔡家湖隄在縣治西三里南瀕滄北瀕沱明萬曆閒知縣方堪築

南湖四壩一南大壩又名蔣家壩在城南五里少南更築月壩

即今黃家溝以障淮水不使由灤河倒灌入湖二陸家壩在城西南六里以杜澮水不使串入南湖三張家溝壩四三衝溝壩皆障淮水不使從上流入南湖

以上五河

按乾隆四十三年後黃水屢經四壩全沒淮身日高難以復興惟陸家壩黃家溝兩處尚可施功

又按泗境經水有三曰濰汴淮緯水十有二曰南潼北潼南沱北沱長直溝荀家溝岳家溝鞏家溝謝家溝安河漂河石梁河其地勢東南窪下西北漸高旱則諸河易竭潦又易盈上游慮黃河之決挾沙橫流下游慮清口之淤扼吭倒漾昔州人常三省謂泗有水患由潘季馴之築高堰投揭上議鑿鑿可聽然不爭清口而爭高堰殊未審夫大勢後州牧莫之翰亦以高堰爲言詳請開禹王河故道禹時果否有此河道

與六合山岡石骨難開姑置勿論惟所請在分淮而弱其力不幾攘黃以入泗乎固宜其說之格而不行夫向日之治淮也泗城當淮水之衝未免意存瞻顧至今日而舊治沈新州定矣頭鋪河之東盱山之西數十里之地棄以予淮俾得暢流歸湖賈讓上策不過如是爲今日之泗計惟使清口大關則淮漲自平修隄防以遏其來開通溝瀆以速其退昔分淮入江而泗害日增今束淮敵黃而泗害可減矣

重修安徽通志卷六十八

河渠志

水利治績

周定王時楚令尹孫叔敖作芍陂灌田萬頃漢書循吏傳

漢建初八年王景遷廬江太守郡部安豐縣有楚孫叔敖所起

芍陂先是荒廢景重修之境內豐給後漢書王景傳

魏遣朱光為廬江太守屯皖大開稻田呂蒙言皖地肥美若一

收熟彼眾必增於是征皖破之吳志呂蒙傳

太祖表劉馥為揚州刺史鎮合肥數年恩化盛行流民越江山

而歸者以萬數於是廣屯田興治芍陂及茹陂七門吳塘諸竭

以溉稻田官民有蓄魏志劉馥傳附宋劉放七門廟記嘉祐二年子

始以事至舒城觀所謂七門三堰者問於居人共灌田幾何對曰凡二千餘頃考於圖書則漢羹頡侯信始基而魏揚州刺史

劉頊實修其廢昔先王之典有功及民則祀之若信者可謂有功矣然吾恨史冊之有遺而憐舒人之不忘其惠也昔高帝之起宗室兄弟之有才而賈以征伐顯交以出入傳命謹信為功此二者皆裂地為王連城數十代王喜以棄國見削而子亦用力戰王吳獨信區區僅得封侯而能勤心於民以興萬世之利其惠愛豈與賈鼻相侔哉夫攻城野戰滅寇屠邑是二三子之所謂能殺人也與夫闢地墾土使數十萬之民世世無飢餒之患所謂善養人者若以相警猶天地之懸絕也而賈鼻以功自名信不見錄豈殺人易以快意養人不見形象哉然彼賈鼻之死泯滅無聞久矣而信至今民猶思之

正始四年用鄧艾計修廣百尺二渠上引河流下通淮潁大治

諸陂於潁南潁北穿渠三百餘里溉田二萬頃淮南淮北皆相

連接晉書食貨志

吳赤烏四年遣全琮略淮南決芍陂三國吳志

晉武帝時劉頊為淮南相甚有政績修舊芍陂年用數萬人先

是豪強兼并孤貧失業頊使大小戮力計功分授百姓晉書劉頊傳

泰始十年光祿勳夏侯和請修新渠富壽游陂三渠凡溉田千

五百頃咸甯三年杜預言戶口日增而陂塌歲決良田變生蒲

葦前見尚書胡威啟宜壞陂又宋侯相應遵求壞泗陂徙運道

按運道東詣壽春有舊渠可不由泗陂宜令刺史二千石漢舊

陂舊塌及山谷私家小陂皆當修繕以積水晉書食貨志

水利之說三代無有井田之行捐膏腴之地為溝洫之制是以

能時其蓄洩以備水旱子產相鄭猶必使田有封洫蓋謂此也

自秦開阡陌廢井田任民所耕不計多少而溝洫大壞後之智

者遂因川澤之勢引水灌田而水利之說興焉魏起鄭白之徒

以此為功然水就下者也陂而遏之利於旱歲不幸淫潦害有

不可勝言者此翟子威杜元凱所由請決壞隄防以紓水患也

文獻通考 宋元嘉七年長沙王義欣為豫州刺史鎮壽陽經理芍陂良田

萬頃隄堰久壞夏秋苦旱乃因舊溝引淠水在汝南入陂伐木開

榛水得通注旱患由是得除宋書長沙景王傳

齊垣崇祖修芍陂田通鑑

舊志引齊書魏寇壽陽豫州刺史垣崇祖堰肥水以自固引

梁書侵魏進討合肥叡堰肥水成舟艦繼至引陳書吳明徹

攻壽陽堰陳書作進肥水以灌城按此三條皆詳見兵事與水利

無涉刪

隋趙軌因芍陂舊有五門堰更開三十六門灌田五十餘頃隋書

趙軌傳

唐永徽中刺史柳寶積修椒陂引水溉田二百頃唐書地理志潁州汝陰注

顯慶中復修隋故牌湖隄灌田五百餘頃唐書地理志宿州符離注

太極元年敕使魏景倩引淮水至黃土岡以通揚州唐書地理志泗州盱眙

胎

乾封中修千人塘以灌田唐書地理志濠州鍾離注

開元中烏江丞韋尹開溝引江至郭十五里溉田五百頃貞元

十六年令游重彥又治之民享其利名韋游溝唐書地理志和州烏江注

上元中觀察使薛邕於宣州築堰引水溉田人稱薛公堰崔巨

去思

廣德二年宰相元載置永樂渠溉高原田大曆十三年廢唐書地理

志壽州安豐注

大曆二年觀察使陳少游置陂引渠溉田二百頃唐書地理志宣州宣城注

人名德政陂舊志

元和四年甯國令范某因大農陂溉田千頃置為石堰三百步

水所及者六十里唐書地理志宣州南陵注附韋瓘記略宣郡支邑十城而南陵處劇今地官

侍郎盧公觀察宣部重難邑長乃以甯國令順陽范君假南陵
印焉先時縣有廢陂曰大農積歲不理荒梗幽扈邱隰遁形非
鄉黨之壽耆不可擬識范君乃召鄉老正尹而計之具畚揭列
綆鋪披材輦壤周察勢便於是伐莽闢蕪培高徹卑潛軼化工
三旬而畢驅長江波六十里活活下來闢荒垸數萬畝汪汪虛
明壘石構嶺三百步橫殺衝波孽發二港支分脈散雖使驚濤
懷山亦不能軼峻防而侵厚阻豈非仁深於物乎其或火雲熱
天順勢導流則貫畦浮陸歲溉千頃斯功可以灼當世而芳千
矣古

按甯國府志范某作范傳真攝南陵事

歙東南十二里有呂公灘本車輪灘湍悍善覆舟刺史呂季重

募工鑿之遂成安流唐書地理志歙州歙注

祈門西南十三里有閭門灘善覆舟令路閔開陡門以平其隘

號路公溪後陡門廢咸通三年令陳甘節募民穴石積木為橫

梁因山派渠餘波入於乾溪舟行乃安唐書地理志歙州祈門注

咸通五年置永豐陂唐書地理志宣州南陵注

舊志有元和中范傳正重修南陵大農陂及省陂一條注韋

瓘大農陂記唐書地理志按范傳正即四年范某係重出惟

真與正微不同耳今刪

南唐築大農陂置石堰開荒埭數百畝江南通志

周顯德初王祚鎮潁州州境舊有通商渠歲久湮塞祚疏導之

遂通舟楫郡無水患宋史王溥傳舊志祚作溥誤

宋天禧四年知定遠縣江澤率民修廢塘濬古港以灌高仰之

地賜詔獎宋史河渠志

熙甯二年宣城令朱紘修復水渠溉田六千餘頃四月詔增秩

九年劉瑾言天長縣白馬塘沛塘宿州虹縣萬安湖小河壽州

安豐縣芍陂等可興置欲令轉運司縣官覆按從之宋史河渠志

葉康直知亳州通濬積潦民獲田數十萬畝宋史葉康直傳

元豐五年淮南監司言舒州近城有大澤出潯山注北門外暴

水漂民居知州楊希元築隄千一百五十丈置洩水斗門二遂

免淫潦入城之患璽書獎諭宋史河渠志新增

元豐中蘇軾知潁州乞畱黃河夫萬人浚西湖並治溝洫潁州志

靖康元年臣僚言東南瀕江海水易泄而多旱歷代皆有陂湖

蓄水祥符慶曆間民始盜陂湖為田近年以來雨則澇旱則涸

民久承佃所收租稅無計可脫悉歸御前而漕司之常賦有虧

民之失業無算可乞盡括東南廢湖為田者復以為湖宋史河渠志

新

紹興元年詔宣州太平州守臣修圩議修圩官賞罰又詔修圩

錢米及貸民種糧並於宣州常平義倉米內撥借詔建康新豐

圩租米歲以三萬石為額圩四至相去皆五十六里有田九百

五十餘頃近歲墾田不及三分之一至是始立額文獻通考

十二年和州守臣請於千秋澗置斗門以防麻豐湖水瀉入大

江遇歲旱溉田疇實為民利宋史河渠志

二十三年當塗縣知縣張津築長圩一百八十里包諸小圩又

為民築者四百七十二所江南通志

乾道元年臣僚言秦檜既得永豐圩紹興二十三年賜竭江東漕計修

築隄岸自此水患及於宣池太平建康昨據總領所申通管田

七百三十頃共理租二十一萬一千餘秤當年所收纔及其半

次年僅收十五之一假令歲收盡及元數不過米二萬餘石而

四州歲有水患所失民租何翅十倍乞下江東轉運司相度本

圩如害民者廣乞依浙西例開掘及免租戶積欠從之江東轉

運司奏永豐圩自政和五年圍湖成田今五十餘載橫截水勢每遇泛漲衝決民圩爲害非細雖營田千頃可耕者只四百頃而損害數州民田失稅數倍欲將永豐圩廢掘瀦水其在側民圩不礙水道者如舊詔從之其後漕臣韓元吉言此圩初是百姓請佃後以賜蔡京又賜韓世忠又賜秦檜繼撥隸行宮又隸總所五十年間皆權臣大將之家又在御府其管莊多武夫健卒健欺小民甚者剽掠舟船囊橐盜賊鄉民病之非圩田能病民也於是開掘之命遂寢文獻通考

葉衡除大府少卿奏合肥瀕湖圩田四十里募民以耕歲可得穀數十萬蠲租稅二三年後做營田官私各收其半從之宋史葉衡傳

九年詔戶部侍郎葉衡覈實甯國府太平州圩岸五月衡言甯

國府惠民化成舊圩四十餘里新增築九里餘太平州黃州鎮福定圩周迴四十餘里延福等五十里圩周迴一百五十餘里包圍諸圩在內蕪湖縣圩岸大小不等周迴總約二百九十餘里通當塗圩岸共約四百八十餘里並皆高闊壯實瀕水一帶種植榆柳足捍風濤詢之農民實爲水利詔獎諭文獻通考

淳熙十四年重修甯國江南通志

十五年南陵令郭堯重修大農陂永豐陂江南通志附謝諤記南陵有二

陂曰大農曰永豐邑之田資以灌溉焉邑侯郭君堯初至郡考圖志見邑人徐內翰元功舊有永豐陂而大農則本朝所撰記甚明乃知大農重興於元和永豐重修於咸和本朝熙甯中嘗捐常平鈔米三萬五千餘貫石復修葺之自後稍就堙廢田日告病郭君乃白於常平提舉謝公深甫竟如所請移文支撥緡解委左簿徐挺之同力計視窺按二陂之源由涇水合山溪眾流爲江出蕪湖中歷邑界江闊地平橫絕其流開港以遏導江水股分支引散入溝塍閒所爲陂因是江也大農在上流源流七十餘里溉田三萬餘畝永豐在下流源流六十餘里溉田三萬餘畝凡縣賦兩陂所屬三分之一乃鳩工於丁未之

冬訖事於戊申之夏噫君子之仕以利民也吾觀親民於百里者可以日有利民之實然君子於其時其利小為久遠之計視當時為非特成人之美亦以垂利澤於無窮也

紹定四年建徽州府石梁附錢時記

雁蕩圯障以石邦人士輒不利障以木輒利時不能久陰陽各嘗歷星源過祁山皆西流入番江餘諸邑東入浙問之三老言新安地最高環城三面可揭涉勢然也辟之於人不為淺澀是澄涵氣象則自衍裕梁之利也固宜然也柵礎之積而上而聚石其中霖潦暴漲何能鞏固歲一葺或問歲大葺科役民伍覃害不細沉木之障水猶絺障風逆漏穿洩草而巳嘉定十七年秋大錮石為官袁公甫解郡符且東歸慨念利輿而巳嘉定十七年必大錮石為官袁公甫解郡符且東歸慨念利輿而巳嘉定十七年將指庚臺始克議茲役推官趙希憲董之得聞工甚精鑿山料材彙別三品直而方者曰肩石層疊繩整嚴邊幅也狹而長首方而未削若釘若斧者曰算石斜透中繩互穿鑿也其磊塊不可尺度者曰囊石若斧者曰算石斜透中繩互穿鑿也其磊塊轉而下桴浮而後機運而登極巧便眉算選用左右蓬卷凡十有八層而後固外圓不關於水斗門東瀉不怒其流闊三丈高半之橫互可二十倍於四年九月竣事

元至治元年當塗尹陳昌浚市河通志附徐抗翁記必有城邑則

流汗瀕清通舟楫溉田疇濟常用備不虞河渠之利大矣矧太平處江湖之間欲左控右引以起姑溪以北抵襄城延袤十有九丈弗治哉府治西舊有市河南起姑溪以北抵襄城延袤十有九丈壤居民侵於宋初而遺其年自慶元以後不復濬治湮塞成平也壅底弗宣水土鹵墊民病湫隘祗七年永嘉陳君昌來河都獄因攝當塗事建明浚河府下其議咸曰太平地形復還其舊不己難乎陳君曰不然惟患誠之不立至誠可以貫金石矧復舊耶工之力君曰不然惟患誠之不立至誠可以貫金石矧財費商工力捐帑以倡眾皆樂於效命凡募夫五千餘經始於至治元年八月明於兩旁紫鱗文貝風帆雨檣憧憧往來如人之清泚槐柳陰翳於兩旁紫鱗文貝風帆雨檣憧憧往來如人之新沐而眉目增明秀也餘波概田數百頃民獲其利昔之誦子產者轉而誦君矣

至正四年照磨石處遁命曹吏朱榮甫修復壞圩三百六十餘

所通志

明洪武二年和州知州李相重修銅城插通志附宋濂記和州

南九十里其鄉曰銅城濱大江水暴溢民不得田昔人嘗築土為長堰以捍其衝鑿石作插門貫以木槌視歲之旱澇而闔

開之田得以常稔環二百里皆為沃壤比年兵興銅城為往來
 爭戰之場插毀堰向之沃土皆化為荒穢之區四明李相由
 京兆出守是州一以慈祥愷悌之政撫摩其瘡痍且以為民之
 生也恆以食為命無田是無民也銅城之插安可不急圖之乎
 遂走白於江淮行中書省臣是其議乃進父於庭親勞之
 為條教先築郭公壩以絕水源次鑿百福山以煨灰石然後大
 集眾工而役之畚鍤如雲絡岸蔽川不待督程各趨厥事動止
 無節齊之以鼓刻日而成遙望之猶堅城隱轟起於雲際也以
 尺計之插高二十有二廣一十有八長二百有奇其高插之兩端疊
 石為臺以禦迅湍其補築東西堰凡七百有奇其高插有加
 趾之廣視高則六倍之別建屋二楹龍王廟一區廟以從民祈
 禱之欲屋以居守者使司其啟閉經始於洪武元年十一月庚
 申訖工於明年正月己巳計工八萬九千八百九十皆出於有
 田之家匠石之費亦視田多寡而均賦之州民相與謀予文刻
 諸石用昭守之功於無窮使自今以往守茲土者讀斯
 文而增修其事則斯插可久而弗壞未必非一助也

永樂閒戶部尚書鄭瑩督夫二萬濬芍陂

通志

八年詔修圩岸以備風濤

通志

正統元年廬州知府王仕錫築黃金城插

通志

和州知州朱沅修銅城插

通志

天順八年休甯縣人汪世甯築充山塢

通志附吳寬記

山中之田其勢因山以高而雨不多得也幸而雨崖之間有
 渠可以溉田然源上而流下不啻若高屋之建傾其勢特瀉而
 去也乃有障之之法而竭以築塢即塢也縣人之語然耳此法
 既善而其利且多及夫春夏之月上源溢而下流湍悍所謂竭
 者或薄與狹且衝激以壞則屢有築之之勞而人亦因蓋縣之
 東南曰充山有水自遂安白霽嶺而來歷百餘里入浙河而去
 至此流甚下其幾急而渠甚闊竭之築始難為功前此成而
 復壞者不知其幾矣里人汪志德世甯讀書好義而多識嘗
 以改築竭事言於縣令汪志德世甯讀書好義而多識嘗
 田畝出財力二場先從事起於天順壬午之秋畢於甲申之
 冬其渠長及四里補缺塞漏不遺餘力於是水道既修於甲申
 患田率有秋里人德之世甯因其弟新昌令世行至京師請記
 其事以示後人俾勿壞

成化二十一年石埭知縣蕭環築南洪口陂

通志附張輝蕭侯

陂記縣治之北曰故院環城附郭田以萬計賦以百計舊有陂
 隙借民力於成化乙巳蕭侯來蒞邑乃會羣屬而謀曰吾將即農
 隙借民力於成化乙巳蕭侯來蒞邑乃會羣屬而謀曰吾將即農
 手加額乃上其事於巡撫可其言於是捐俸資貸倉廩然後以
 十夫為甲十甲為總以董之計其田之多寡水之遠近出金以
 償之寅符協同爰命工於治南洪口築陂一處鑿井一而深三

尺達三里許兼舊溝而濬之不數月而功成民仰其利作歌以頌侯又贊石扁為蕭侯陂請記於子子惟侯自下車政皆仁愛以民所欲在水利尤倦倦焉若巫園若烏龍凡十餘地皆無賦足侯令民築之使有備無患今復修此溝堰以利民食足而賦足其利澤不亦遠乎

正德十一年池州知府何紹正於城西新河口築隄長四十丈

高三丈以障江水人稱何公隄

十二年知和州黃標修銅城牐

嘉靖元年安慶知府胡纘宗開潛山縣吳塘石渠

記潛山縣有故堰曰吳塘因潛水隄匯而渠之以溉田凡三千有旱燠憂安慶府胡善治渠壅水行弗利則怒而蓄其隄歲許儼白吳塘之役侯相其地宜日不一勞者不永逸乃改築於上流鑿山麓之石為渠順其性安流徐行以達於土溝以灌於田歲乃大熟矣於是民歌之曰郡有賢守鑿石渠石堅渠深水平趨工不與俱今常濡私足粒食官無遺昔為吳塘今姓胡千秋萬年名與俱今來請記曰俾後之人有考也予考圖志吳塘始於漢末廬江守朱光及讀劉馥傳建安間劉馥為揚州刺史嘗與七門吳塘諸隄以利稻田至今潛人但知光而不言馥豈馥於

七門之功鉅故遂掩吳塘耶夫七門實始於羹頡侯信馥因舊而修復之耳史不錄信功而舒人併祀之惟謹是史或有遺而功德結於人心者不磨也侯因吳塘而勸為石渠又有烏石堰者修築堅厚倍於舊功不在諸賢後民豈忘之哉

二年劉欽順增築廬州府洋萍舊隄又開溝以通規溝八棱溝

四十年宣城知縣羅汝芳築圩於青弋江畔人名羅公圩

四十五年建平知縣趙佑卿修築山陽等圩

廣德之地勢西北下而建平為受水之衝水由南湖西入江塞口兩江當湖之下流為門戶隘不可洩則衝激瀆洞而為害不有以障之建平得耕而食耶郡建平之田為圩七十二嘉靖庚申大水壞者三圩則為田幾五千畝而圩之壞至十餘里民不得佃東華趙侯之治建也政平而人信稍以圩之廢聞前此非莫聞聞而莫有主其事者蓋難其始復虞其終故人重自愛惜而茂能出時當之也節推顧菴以均徭至侯建白焉節推與之按視其所民從而請且泣者數百於是議以其事上於州上於臺

院悉俞其請工取諸民之有用者食取諸邑之義倉先是義倉
之米數萬當道因無年議賑恤止於一時築圩垂諸百
世當道是其議聽令便宜俟因不避風雨經始於丙寅年之春
成於井然一新歲乃大熟蓋嘗論之田有疆翼有禾或或他
圩亦故而朝夕之間恆惴惴焉昔喻子才以軍吏出宣州見城
常安故而朝夕之間恆惴惴焉昔喻子才以軍吏出宣州見城
西有敗室入視之廣儲倉也一老卒巢樓而守之牛豕之跡交
道其下歎曰吏非不知食之宜理重自挽也使之不知其利害
如是國胡以賴當侯之倡此也汙萊之場茫乎不知其利害計
工焉將煩民計食焉義倉之米不難動稍以向之精誠足以通於
交乎其心不至蕙然而自替者蓋寡乃俟之精誠足以通於
神明而其智與才又足以就之百年之廢興於一朝仁人之心
志士之事也

隆慶中貴池知縣姚孟賢濬新河

江南通志

隆慶中涇縣知縣開承流壩溉田二千畝

江南通志

萬曆三年舒城知縣姚時鄰修水利自七門嶺至十丈陂並增

築江南通志附盛汝謙記舒為江淮要道廬郡塞邑也西去層峯翠

源頭出自西山峻嶺之下勢若建瓴奔騰涌潰羹頰侯分封是
邑走西南見小嶺大溪下有石派如門者七乃分爲三堰列爲

九陂瀦爲十塘而壩而溝而衝灌田三千餘頃至三國時水泛
濫如故得魏劉刺史更加修築明時水復爲患得豐城劉公
顯增加疏導迄今百餘年矣河勢漸下有陂塘爲道路者有壩
堰爲沙隄者有民間侵占妨水道者有洶涌湍激而淪沒故
址者有壅塞橫漲漂流民舍十餘里者萬曆乙亥姚侯來牧茲
土喟然歎曰食者民之天也水者食之源也水利不興有司實
任其責乃條陳申府及院及部莫不允其議而速其行侯於是
同治農主簿趙應卿舍郊野險阻偏故老田與而諏之直窮
水之故道由七門嶺以至十丈等陂則爲修理由柳楊鹿角以
至黃泥等壩則爲疏通由含慈而路沛等處洋萍陂而六衝等
壩則爲還官他若行水過溝如新壩類難枚舉者又悉躬閱挑
築但見高者平淺者深侵者復泛濫者消除淤填者濬濬水由
地中行而歲見有秋矣

四年舒城知縣姚時鄰重築洋萍陂

江南通志

萬曆初總河侍郎潘季馴重修泗州周家橋牖牖與高良澗古

溝等後緣泗水大發議開周橋洩之耆老具狀極言不利南河

郎中黃日謹具辨開橋一疏事遂寢諺云東去不妨開海口西

來切莫放周橋明史潘季馴傳附寶應治水或問略或問寶應之水治

洞先濬支河欲濬支河先開海口其勢應然也蓋周橋入淮通
濟納黃源而來者不得分洩東鄉為運道計則上河之水
由諸湖蘆港而下注者涓滴瀦之支河迺其出口不過東灣
北注蘆港而耳而上口鯨吸不止柰何不患腹脹之病乎故
橋洞之外非支河不洩支河之水非海口無歸誠多開海口分
頭走逸則漲水消民田出矣或問周家橋有無貽害高寶日周
輒與高堰固一帶耳總在泗之東南節年淮水暴漲從堰溢出
輒漫諸湖去秋尤甚時西風連作鼓浪決隄高寶興鹽之田茫
然巨浸此漫溢之水害已若斯假令大開周橋
縱洩淮水何異開門而揖盜救焚而益薪耶

四年巡按邵陞修易泗州城外土隄以石又建石插二通以時

啟洩民德之名曰邵公隄江南通志

九年無為知州查志文築神塘隄江南通志

萬曆九年南陵知縣沈堯中築北關堰十一年築萬年堰十三

年築西溪堰江南通志

萬曆中池州理刑秦懋義築翠微隄兵備副使馮淑吉築千柳

隄貴池知縣王啟棠修千柳隄江南通志

池州知府趙安治查村堰淤淺者浚之曲防者撤之灌田一千

三百餘畝江南通志

萬曆中休甯知縣魯點築陽山隄江南通志

附邵庶魯公隄周禮

關山林川澤之阻達道路設溝涂樹之林以為阻衛夫非以其

屬指可窮則民實利之西去邑治五里許山曰陽山云下多古

墓厥田平曠蕭梁以來故有寺即以山名寺松蘿障其北野

帶其南故抱鳳皇山而東宋邑治在焉頃歲以匯眾流山陽

落石南下故道漸為桑田山口有橋曰蕃桂且為池陽豫章

亭曰紫陽以記田賦四方來遊白嶽必經於斯且為池陽豫章

孔道嘉靖間邑成城垣者利一時便宜陶茲道側後遂為所

據山川形勝欲然失色傾頽莫不四顧而嗟世遠相沿膏壤幾

盡以故潦水泛溢道傾頽莫不四顧而嗟世遠相沿膏壤幾

足而步指為畏途凡四方躡屬擔簦乘軒策杖而來者趨避

隅履崎嶇而過邑侯魯公下車令民修築東補西崩未敢厭害

城西兩太學汪生以先世封樹在懼其浸潰靡所底止於書

子息久之書言為害狀越月侯視事西郊目之所擊果符上書

橋迨紫陽亭丈五有奇遊龍工采石隘者廣險者坦踰者二年

相成平若砥長若虹蜿若遊龍隄畔崇壇為亭以憩行者東而

成我休負郭勝槩微耕不失畔若輿若筆若徒若負擔若捆
載若乞靈而登封繹釋乎熙熙乎如登春臺而遊康莊矣行者
色喜而呼曰魯公隄識侯之再造也侯治績最著今入為司農
兩太學與子結姻家好屬子紀顛末勒之石以志不忘予惟是
役也五美具焉以蘇地脈以障水患以復田疇以古昔若楚則
形勝司險氏所必稽而實民牧所宜有也唐則李襲之築雷陂
孫叔敖之起芍陂漢則召信臣之約南陽唐則李襲之築雷陂
宋則范希文之起芍陂漢則召信臣之約南陽唐則李襲之築雷陂
於積蠹一且毅然與民更新即謂古名臣舉事誰曰不然嗟夫
天下事大都始乎一綫卒乎滔天始乎徐徐卒乎陵替而不復
振繫於隨而成於斷獨一隄然乎哉侯保障吾休隨處安堵茲
上奉內召桑土綢繆素所樹耳奚侯不佞溢美為乃蔽帶穠陰
為楚南漳人同予登進士兩太學仲名應時季名應邦以尚義
世其家法得備書見隄
所由成與所由名云

萬曆二十七年建平知縣朱之楫築浮塘湖江南通志

三十五年歙縣知縣張濤築隄成人稱張公隄江南通志

萬曆三十六年當塗知縣朱汝鼈修築官圩隄岸畫段分工高

三尺隄岸無僅高三尺之闊倍之作中心埠自青山屬黃池為

官圩西岸至今賴焉江南通志

四十七年修築宣城縣諸圩江南通志附湯賓尹記略宣城城也而

水四集其鄉東壩居其委流復代三吳瀦水其下瞻窮瘡而上
應天子正供獨諸圩是賴金寶一圩計畝可十三萬其餘牽連
相輔以成圩可百十夫與水爭地者也从國初至今人民漸
稠墾藝漸博圩之數日多則居水之處日減居水處日減則其
激而省也日悍萬歷四十七年直指麻城田公生金巡視及宣
省耕一斂問民疾苦鄉三老以圩事對公慨然曰某天子巡視
使者一失方失養其責在某已下教宣城曰若為天子牧民官小
民失養在若於之是宣城縣令賴侯良佐親詣水鄉周行按視
得其頹潰衝決之數自遮浪保安寶成以迄諸圩凡一十七所
估工修葺合之凡一千七百餘金進郡縣各捐助有差仍不足者
事撫臺胡公應臺甯公道蘇公進郡縣各捐助有差仍不足者
民閒計畝崇廣支學旬股合宜暨於事
摘墾無遺崇廣支學旬股合宜暨於事
竣水防循理墾墾得職其年潦而不害

國朝順治中池州知府梁應元修翠微千柳二隄後知府顏敏重

修江南通志

九年宿松知縣孫繼文督修蓮花荆橋羅隱諸塘

十八年潛山知縣常太忠遷吳塘堰通志附金閣碑記吳塘陂

末朱廬江而修於建安劉刺史偉哉前人之功高不朽也及讀

碑石陽修築之事甚悉然皆因勢利導所載郡伯胡可泉邑侯

于創起非常也前明之季水齧隄頽沙高水壅所謂玉渠金壩

靡利不可復認而告旱告澇無餘日己亥春我常所請之令潛也

民而導之曰不廢不起者越二年親歷經營相地宜酌水勢乃進居

就簡之可塞責者於是過吳塘五里而築新隄起新壩遷其壩

於兩口衝口自捐俸倡率外戶起工照丈冊引新壩遷其壩

供億之煩有春鋪版築之便無偏枯騷動之擾有蓄鼓靈臺之

歡權輿於辛丑冬而告成於王寅夏旱澇有備蓄鼓靈臺之

變為沃壤泛濫歸於安瀾事半功倍費省利周不止可泉之贊

鋪補苴修葺從事已耳

十二年壽州知州李大升重修安豐塘通志附李大升記安豐

楚令尹孫叔敖所作之芍陂也塘周數百里受洙淝泚三水之

支流而下蓄洩以時可灌田數頃自明季以來新倉之口決引

水之河淤民不獲其利者已三十餘年余自癸巳夏來守壽郡

詢諸利弊紳士庶皆言此塘乃壽土第一自利余欲舉行而

入選夫千餘先疏河道之壅塞者一百四十餘丈濬水通流方

葉新倉壩子門二波口高厚約十數丈有餘長俱不下百尺許

又為之理其門補其塘岸不月餘大略粗具余始具文報於

兵憲沈公公喜甚亦捐俸修葺在利求萬全績垂可久必不

為目前苟且計也余隨與州佐議再加巡葺會值大雨水勢突

至功難驟竟然塘水以盈環塘之民皆負耒而耕秧田遍野是

歲夏苦旱惟安豐一帶全獲有收至八月仍即其功之未完

者更為整頓疏近塘之河土高者十里有餘其減水大壩中心

兩溝胥一浚治保其久而弗替不能不有司不時培護會典

十七年修築當塗廢圩更名忠惠圩令有司不時培護會典

康熙二年和州知州楊繼芳築永盛土旺兩圩通志

十年增築宿松縣蓮花荆橋諸隄通志

十一年望江知縣劉天維修築西圩通志附龍燮記邑東北有

民數千家衣冠世族多萃於此以田論之計三萬七千餘畝地

勢卑下潛太之山洪注焉池皖之內有上下二版三湖蓄水惟

畱念圩隄或有謂工可緩者侯曰不然今淮揚之被水患者數
年矣余何敢坐視爰進圩中諸父老商摧形勢委官修築之凡
所以經營相度者悉秉侯之心計不啻目營指畫焉畚鍤雲集
不日竣工堅固什倍於疇昔由是水不能災農獲有秋而正供
無缺額矣夫一圩向以累年修之而不能足今以一日葺之而
有餘利澤之興豈不以人哉誠使良法美意踵而行之吾且為
歌瀉鹵生

建平知縣高自遠修築東門隄

通江志

桐城知縣胡必選修築城北河隄

通江志

邑也城北有河發源於龍眼諸山由是而東南匯太湖達長
江其支流所引為西南疆畝水利第春夏之交眾流合聚激
若雷數年來直衝北郭下駸駸乎有內齧城隍之患矣必選
丙午冬承乏茲土登城省視即以前法募為慮爰具文請諸
先達並謀之耆老倣昔人疏濬之法日募工若干深浚河行
道束之使不得出鱗修水華復為難傑作干城無如河勢甚
奔放潰決其為城之患猶夫昔也乃更捐餐措費禱神興工
鄉耆等董厥事費之患猶夫昔也乃更捐餐措費禱神興工
為隄而深固其防不使陽侯之虐得肆其憑陵幸賴司寇姚
常程刺史彭樞部陳暨諸先生急公捐助左提右挈民咸欣
樂赴而遂臻厥成是役也始於壬子夏報竣於秋
其隄長七十有八丈深一丈有三尺橫互稱之

二十三年五河知縣鄭彝修南湖壩

附韓竹記

可以溉疏之則外可以洩獨五河一邑河壩居五十八
未必得溉而可沒則去之之八是瀦不可也邑壩五
入淮之口有南湖者其流雖有玉湖暨小赤龍入淮之
口作隄以障旱則皆歲可耕太潦內外水皆至尾為
至湖可全耕獲也即大至而半獲焉則田成蔣小赤
可為也其溝故有土隄然數圯且不能時啟利且侯
百金僚佐以事於臺薛公軫念民隱捐金作首倡是
輸費之壩者勤之壩民悉爭輸其地之高卑所也至
乎地由是盡力再歷之壩齊分告成尺俾各時有定
事者由是盡力再歷之壩齊分告成尺俾各時有定
淮大漲內水亦暴至眾暑隄以分告成尺俾各時有定
患下田誠不可療顧外水尚高三四尺無可為矣侯
上者為沙灣且將盡沒可勝行長十數里者不益高
不衍之長哉爰又培土數百頃獨奈何五里時不益高
水愈漲且蓄然卒以人力數百頃獨奈何五里時不益高
眾增築也猛風捲浪暴雨連天蛟龍出沒擊而數里
里洪濤中懸一線危隄寄身於蛟龍出沒擊而數里
恐懼廢然思返侯顧神志倍旺一心思龍出沒擊而數
之誠兼以定力曷臻此隄一成內無水而下田利即內

水而高田亦利後來賢侯但一增卑培薄利不將萬斯年乎

二十七年徽州知府朱廷梅修漁梁壩江南通志附朱廷梅記

徽州東倚山西南北三面距新安江以置郡治江合歙黟休甯祁門績溪五邑之水大匯於歙浦以入於浙為難三百六十地極陡峻無停流宋嘉定間郡守宋濟去郡南二里聚石立柵以遏下流後守袁甫繼之更議壘石為壩未及興役而去雷縉錢萬五千聞於朝俾繼者成之元明又復壩三壞宏治間郡守張正出帑錢即故址重砌以石凡九層蓄水二里錢塘倪公岳記之未三用復水勢楊公循澤乃去壩囊中砂礫實以方石下流更為梯級修復非怠事也工大費繁民不堪未任子不佞承乏茲郡皇憂將日徹為歷言往事多有明徵予甫下車即申請撫憲並致書紳士之家廣陵者紳士誼篤維桑慨任工費予喜出望外於是循江而觀逡巡周覽擇吉祭告以戊辰正月八日開工得吳子崧汪子士鉉吳子瞻泰嚴郡之石梁規制縱橫各半中為龍背而坦其脊更擇石於城之北鄉色青而理堅斧鑿不易施補罅實腹咸以之舊石屏不用外密上為二水門於是瀉者請奔趨者止郡以西淳濼浩濼平巨浸而功以告成郡紳士請予志之予謂是役也為六邑資灌漑而且學校以光民生用遂予得藉是以上報

美襄事諸子樂觀其成即以為不朽盛事也可

五十年巡撫梁世勳開懷甯秧草溝河人名梁公河安慶府志

五十九年加甯國東溪石堰江南通志

雍正五年八月兩廣總督孔毓珣奏江南鳳陽府屬之宿州靈璧縣應疏濬溝洫奉

旨著江南總督范時繹確查被水之民加恩賑恤並將應行疏濬之水

道相度修治使積水暢流不為民害欽此是年布政司噶爾泰遵動

庫銀二萬兩親赴靈璧縣之固鎮起由溧澗鋪至宿州之任橋

八里座大店驛至宿州之北關符離橋止逐一查勘據土人云

一路兩旁之水俱由滄河五河淮河經洪澤湖出清口入黃河

歸海當經丈明檄鳳陽道何宗韓鳳陽知府刁承祖委官分督

用銀五千八百七十三兩零疏濬溝洫俱極深通江南通志

十三年亳州知州盧見曾督民疏濬境內溝洫亳州志

乾隆三年修濬安徽所屬壽州蔡城塘鳳陽縣山河臨淮縣鹿

塘滁州衛黃慶圩全椒縣張巴等圩廣德州秀水壩桐城縣袁

家圩定遠縣響水壩等處會典

五年奏准上江地方濱臨江淮地多山岡其閒鳳陽府屬虹縣

枯河頭潁州府屬亳州乾溪溝和州大洋河燒下河牛屯河舍

山縣銅城牯河來安縣龍尾壩河均令開堰疏濬會典

七年

上諭朕思江南水災之後賑卹乃一時之補救而所以安養生者全

在明歲之農功自被水迄今已經兩月雖水漸減退不為大害而瀾

漲之勢仍似從前若疏濬稍後機宜則今歲田地斷不能盡皆涸出

小民春耕無望彼嗷嗷待哺者何以為生況此時搭棚棲止於長隄

者豈可以久處亟宜講因地制宜之策其如何疏濬水道涸出田畝

以安民業以奠民居著欽差大臣河道總督江南督撫妥議速為經

理欽此會典

八年奏准興修上江大川滄沱濉等河疏濬潼河下游林子河

謝家溝沱河並宿靈鳳等處大道兩旁官溝節節疏濬深闊取

出溝土培築大道增建橋梁以通積水宿境之水導入滄河靈

鳳等處之水導入淮河不使仍入沱河為患會典

十一年奏准修濬濉河南北兩岸黃疇橋等處河道建設涵洞

並潁州府淝河宋塘河蒙城茨河北淝河堰淺築埠建設橋梁

十四年疏濬宿州墨河會典

十九年太湖知縣吳易峯濬馬路河太湖縣志

二十二年侍郎裘曰修奏准挑濬泗州安河陡門謝家溝鞏家溝長直溝荀家溝北潼河等處

泗州志

二十三年奏准宿州境內洪濰二河按年修濬歸官辦理於藩

庫匣費項下預發銀三千兩解貯廬鳳道庫撥用

會典

二十五年奏准宿州符離集池上彭家溝建兩空石牖一座

會典

二十九年奏准挑荆山橋河並建築橋壩

會典

二十九年

上諭荆山橋水利河道地屬江南向經奏明歸於河工兼管分應隨同欽差勘辦且一切興挑事宜皆該督素所熟悉即著會同勘明詳晰核議具奏

會典

三十二年題准挑挖宿州境內洪溝河濰河自徐溪口洪河尾起至符離集止並挑挖南岸之砂礮河沙溝北岸之西流河彭

家溝等工

會典

三十六年安慶西門外漳葭港歲需挑濬將城工餘贖銀二萬

七千兩發商籌備以一分起息每年得息銀三千二百餘兩約

十年還本其息銀仍發商生息以為歲修之用

會典

又奏准挑濬宿州境內西流砂礮等河

會典

三十七年奏准江南洪溝河一道分派蕭碭二縣主簿宿州州

同永城縣縣丞經管防護遇有河道隄堰淤淺殘缺照業食佃

力例辦理責成道廳每年查勘督辦

會典

四十六年奏准修築鳳陽境內臨淮縣西土壩

會典

四十七年奏准挑濬泗州謝家溝沛河尾淤墊

會典

四十八年奏准修鳳陽南首甄岸並挑濬新橋河道

會典

五十三年奏准安徽藩庫所貯社倉穀價內提銀十萬兩借給

通省典商生息為籌備水利工程之用每年造冊送部查核會典
又奏准疏濬宿州之北股河泗州之濰河以資利導會典
嘉慶十三年奉

上諭潛山縣屬吳塘堰土壩被水衝潰數百丈請借帑修理吳塘堰壩
保護田廬今被水衝坍自應趕築以資捍禦著照所請賞借銀五千
兩及時趕辦所借銀兩分作五年攤徵還款該撫當督飭所屬實力
稽查使工歸實在以資鞏固欽此會典

道光二十年桐城縣紳張寅等修築天定隄上接大成圩下接
陳家洲橫長千餘丈

二十五年署桐城知縣史丙榮修築豐樂隄四十餘里
咸豐元年署當塗知縣袁青雲稟請借款修築大官圩隄一百
餘里并築攤浪埠及品字壑

